


The background is a solid yellow color. On the left side, there are several tall, thin, green grass-like stalks with long, narrow leaves and small, delicate flower heads at the top. The grass is drawn with a soft, painterly style. In the lower right quadrant, there is a small, colorful butterfly with red, orange, and black wings, facing left.

Pagkamatay nga Grasya

(Visayan Version)

R. B. THIEME, JR.


With permission of R. B. Thieme, Jr., Bible Ministries,
this publication is distributed in the Philippines
by Grace Logos Support Philippines, Inc.,
without charge or obligation.

For more information text or call:

*(Gihatag pinaagi sa GLSP nga walay bayad o obligasyon.
Para sa dugang pang kasayuran text o tawag:)*

Globe: 0906-347-9830

Smart: 0946-142-7563



Kay, “Tanang unud maoy sama
sa sagbot.... Ang sagbot malaya,
ug ang bulak matagak, apan ang
pulong sa Ginoo magpabilin sa
kahangturan.”

1 Pedro 1:24-25

PAGKAMATAY NGA GRASYA

R. B. THIEME, JR.



R. B. THIEME, JR., BIBLE MINISTRIES
HOUSTON, TEXAS

PALISIYA SA PINANSIYAL

Walay bayad para sa bisan unsa nga materyal gikan sa R. B. Thieme, Jr., Bible Ministries. Si kinsa kadtong nagtinguha og pagtudlo sa Bibliya makaangkon sa among [English] mga publikasyon, DVDs, ug MP3 CDs nga walay obligasyon. Ang Dios naghatag og doktrina sa Bibliya. Kami nanghinaot sa pagpadayag sa Iyang grasya.

Ang R. B. Thieme, Jr., Bible Ministries maoy usa ka ministry sa grasya ug naglihok sa katibuk-an diha sa boluntaryong mga kontribusyon. Walay listahan sa presyo para sa bisan unsa sa among mga materyal. Walay kwarta nga gipangayo. Kon ang pagkamapasalamaton para sa Pulong sa Dios nagdasig sa usa ka magtotoo sa paghatag, siya adunay pribilehiyo sa pagpaambit ngadto sa pagpakaylap sa doktrina sa Bibliya.

Orihinal nga naimprinta isip *DYING GRACE* niadtong tuig 1965, 1977, 2004 ni R. B. Thieme, Jr. Unang edisyon napatik niadtong 1965. Ikatulong edisyon napatik niadtong 2004. Ikaduhang impresyon 2009.

Kini nga basahon napatik gikan sa mga panudlo ug mga waimantala nga mga sinulat ni R. B. Thieme, Jr.

Sa pag-order niini nga libro sa English, kontak:
R. B. Thieme, Jr., Bible Ministries
P.O. Box 460829, Houston, Texas 77056-8829
www.rbthieme.org

Walay kabahin niining publikasyon nga ipasanay o ipadala sa bisan unsang porma o sa bisan unsang pamaagi, elektroniko o mekanikal, lakip na ang seroks, rekord, o sa bisan unsang sistema sa pagtipig ug pag-abli sa impormasyon, nga walay nakasulat nga pagtugot gikan sa tigmantala.

Ang Kasulatan gikuha gikan sa *DYING GRACE* nga libro mismo og gihubad sa Binisaya.

Napatik sa Tagbilaran City, Bohol, Philippines, 2017.

Gihubad ngadto sa Binisaya nga pinulongan ni Jerome L. Salutan.
Gitan-aw pagbalik nila ni Amado D. Carejo, David C. Vicoy ug Raflyn H. Salutan.
Pinatik nga may pagtugot sa R. B. Thieme, Jr., Bible Ministries.

Mga Sulud

Pasiuna.....	v
Ang Hagit sa Lawasnong Kamatayon	1
Nganong Lawasnong Kamatayon man?	3
Dios Naghatag og Mga Kasulbaran.....	6
Ang Kamatayon sa Dimagtotoo.....	8
Ang Kamatayon sa Magtotoo	12
Panalangin diha sa Pagkamatay	13
Ang Duha ka Mga Kamatayon ni Jesu-Kristo.....	17
Paghulagway ni Job sa Pagkamatay nga Grasya	22
Kamatayon Maoy Desisyon sa Dios.....	27
Matag Magtotoo Adunay usa ka Kapilian	32
Kamatayon sa Rebersiyonistang Magtotoo.....	33
Ang Sala ngadto sa Kamatayon	35
Ang Paghikog sa usa ka Magtotoo.....	38
Kamatayon sa Hamtong nga Magtotoo	39
Bibliyanhong Mga Bayani ug Pagkamatay nga Grasya	40
Karaang Testamentong Mga Magtotoo	40
Ang Apostol Pablo	43
Kapasidad para sa Panalangin	46
Ang Kamatayong-Nagdagtom nga Walog	50
Ang Taytayan Taliwala sa Panahon ug Eternidad	52
Pagbalhin nga Lahi sa Kamatayon.....	54
Usa ka Talagsaong Pagbalhin	54

Ang Pagsakgaw nga Henerasyon	56
Ang Kasamtangang Lawas.....	57
Sa Kadtong mga Nahibilin	58
Ang Hagit ngadto sa Magtotoo	63
 Pakapin sa Basahon: Ang Pito ka mga Kamatayon	 69
 Timan-anan sa Kasulatan.....	 72

Pasiuna

Sa dili pa ikaw magsugod sa pagtoon sa Bibliya, kon ikaw usa ka magtotoo diha kang Ginoong Jesu-Kristo, siguroha nga imo nang gihinganlan ang imong mga sala sa pribadong pamaagi ngadto sa Dios nga Amahan.

Kon kita magsugid sa atong [nahibaloan] mga sala, Siya matinumanon ug matarong nga mopasaylo kanato sa atong [nahibaloan] mga sala ug nga mohinlo kanato gikan sa tanang [wamahibaloi ug nahikalimtan na nga mga sala] dipagkamatarong. (1 Juan 1:9)

Ikaw anaa na dayon sulud sa fellowship uban sa Dios, napuno diha sa Balaang Espiritu, ug andam na sa pagkat-on sa doktrina sa Bibliya nga gikan sa Pulong sa Dios.

“Ang Dios espiritu, ug kinsa kadtong magasimba Kaniya kinahanglan magasimba diha sa [ang pagpuno sa] espiritu ug [bibliyanhon] kamatuuran.” (Juan 4:24)

Kon ikaw wala pa sa kinaugalingon nga mitoo diha ni Ginoong Jesu-Kristo isip imong Manluluwas, ang isyu dili ang pagsugid sa imong mga sala. Ang isyu mao ang bugtong pagtoo diha ni Jesu-Kristo lamang.

“Siya kinsa nagtoo diha sa Anak adunay waykatapusang kinabuhi; apan siya kinsa wala nagtuman [ang mando sa pagtoo diha] sa Anak dili makakita sa kinabuhi, apan ang kaligutgut sa Dios nagpabilin diha kaniya.” (Juan 3:36)

ANG PULONG SA DIOS buhi ug labing gamhanan, mas hait pa kay sa bisan unsang duhay-sulab nga espada, naglagbas bisan pa ngadto sa nagpahimulag sa kalag ug sa espiritu, ug sa mga lutahan ug sa kinauyokan, ug maoy usa ka kritiko sa mga panghunahuna ug mga tinguha sa kasingkasing. (Mga Hebreohanon 4:12)

Ang tibuuk nga Kasulatan sa Dios-gipaginhawa, ug maganansyahon alang sa doktrina, alang sa pagbadlong, alang sa koreksiyon, alang sa pagpanudlo ngadto sa pagkamatarong; aron ang tawo sa Dios basin ra mahimong hamtong, sa hingpit gisangkapan ngadto sa tanang maayong mga buhat. (2 Timoteo 3:16-17)

Pagtoon aron pagpakita sa imong kaugalingon nga aprobado ngadto sa Dios, usa ka magbubuhat nga dili kinahanglan nga maulaw, sa husto nga nagbahinbahin sa pulong sa kamatuuran. (2 Timoteo 2:15)

ANG HAGIT SA LAWASNONG KAMATAYON

SA DIKALIKAYAN, KITANG TANAN MAG-ATUBANG OG LAWASNONG KAMATAYON. Pipila kanato mamatay sa masakit, pipila sa malinawon, ug pipila sa madungganon. Pipila ang makatulog ug dili na gayud makamata; uban manggawas diha sa usa ka nagdilaab nga himaya nga nakig-away para sa kagawasan didto sa panggubatan. Paghunahuna sa maisog nga mga katawhan diha sa Estados Unidos nga Panakayang Iggugubat kinsa nalunud uban sa ilang sakyanan human sa Gubat sa Midway. Natanggong diha sa huut nga mga kwarto, sila milahutay sa nahabiling mga takna sa kinabuhi diha sa kangitngit og nakahibalo nga taliwala kanila ug sa mga balod ug ibabaw sa langit maoy sa hingpit nga wala apan mga tonelada ug mga toneladang tubig. Bisan pa sila kinahanglan nga molingkod didto og sa hingpit nasayod nga, sa dili madugay, ang oksiheno mahurot ug sila mamatay.

Unsa man ang imong buhaton kon ikaw anaa sa usa niadtong huut nga mga kwarto, nagpabiling buhi apan gatosan ug gatosan ka mga pye gikan sa ibabaw? Ikaw ba malisang? Ikaw ba mapukan?

Walay nagmugna og mas dako nga kahadlok diha sa tawhanong kaliwatan kay sa paghunahuna sa lawasnong kamatayon. SiSatanas, isipangmagmamandoniiningkalibutana (Juan 16:11), naggamit sa kamatayon isip usa ka palangka aron mohadlok ug mobalaka sa tawo (Mga Hebreohanon 2:14-15). Bisan pa, ang Dios wala gayud midisenyo sa pagkamatay aron makalilisang o makahahadlok para sa magtotoo diha ni

Ginoong Jesu-Kristo. Ang omniscience sa Dios nakahibalo sa tukma unsa katas-on ikaw nga magpabilin dinhi sa kalibutan, ug sa dihang Siya naghukum aron mokuha kanimo pauli, kini maoy sa hustong oras, sa hustong lugar, ug diha sa hustong paagi. Sa dili pa unya, walay makatangtang kanimo gikan niining kinabuhia—walay tawo, walay panghitabo, dili bisan pa ang yawa ug tanang mga gahum sa daotan—tungud kay “mas dako mao Siya kinsa maoy anaa kanimo kay sa kaniya kinsa maoy anaa sa kalibutan” (1 Juan 4:4*b*).

Ang plano sa Dios para sa matag magtotoo mao nga aron makaangkon sa usa ka maanindot nga kamatayon, usa ka takna aron pangandaman isip tam-is nga pagkaon sa kinabuhi. Bisan kon nag-atubang og kakuyaw o nag-antos sa usa ka gipataas, masakit nga balatian, dili gayud ang magtotoo kinahanglan nga mahadlok o mabalaka mahitungud sa kamatayon. Ang Dios mitugyan og usa ka pihong kamatayon ngadto sa matag magtotoo ug Siya maloloy-ong nagsangkap sa matag gikinahanglan aron mohimo sa pagkamatay nga labing maayo, ang kinatam-isan nga bahin sa pagkinabuhi.

Ang plano sa Dios mahimong matuman lamang pinaagi sa pagpatuhup ug paggamit sa magtotoo sa Pulong sa Dios. Bugtong ang magtotoo uban sa labing-daghang doktrina nga nagpuyo diha sa iyang kalag ang adunay kapasidad aron modayeg ug mosinati sa tanang kahibulungang mga panalangin ug kalipay sa pagkamatay nga grasya. Ang iyang kamatayon mahimo o mahimong dili maglakip og dakong lawasnong kasakit. Bisan pa, aduna sa kanunay kinadak-ang kamalinawon sa kalag aron nga siya mobiya gikan sa iyang pisikal nga lawas diha sa usa ka kahimtang sa kinatas-ang kalipay. Ang kamatayon para sa magtotoo uban ang doktrina sa Bibliya diha sa iyang kalag mao kanang naglakaw latas sa habog nga bulawanong taytayan sa pagkamatay nga grasya

gikan sa bahin dos ngadto sa bahin tres.¹ Ang pagkamatay nga grasya mao ang katapusan diha sa pagbiya gikan niining kinabuhia.

Nganong Lawasnong Kamatayon man?

Sa dili pa kita makatoon sa pagkamatay nga grasya, kita kinahanglan unang makasabut sa tukma unsa ang kamatayon. Ang pulong “kamatayon” diha sa Kasulatan dili sa kanunay nagpunting sa pagbiya gikan sa kinabuhi diha sa kalibutan. Sa pagkatinuud, ang Bibliya nagsulti og pito ka mga matang sa kamatayon.² Para sa katuyoan niini nga pagtoon kita magpunting diha sa duha lamang ka mga kategoriya sa kamatayon: *espirituhanong kamatayon*—ang pagkabulag o pagkalayo sa tawo gikan sa Dios (Mga Taga-Roma 3:23), ug *lawasnong kamatayon*—ang pagkabulag sa tawhanong kalag, nga mao ang tinuud nga tawo, gikan sa lawas, nga mao ang kalibutanong tolda sa tawo (2 Mga Taga-Corinto 5:1-4).³ Aron makasabut og ngano ang tawo dili magpuyo sa kahangturan diha sa kalibutan, kita kinahanglang mobalik ngadto sa gigikanan sa espirituhanong kamatayon.

Diha sa Hardin, ang Dios sa maloloy-ong mipasidaan ni Adan ug sa babaye nga ang Iyang paghukum diha sa pagkadili-matumanon, o sala, mao ang espirituhanong kamatayon.

1. Ang plano sa Dios para sa matag magtotoo adunay tulo ka mga bahin: Bahin uno mao ang kaluwasan, bahin dos mao ang kinabuhi ug kamatayon dinhi sa kalibutan, ug bahin tres mao ang magtotoo didto sa langit. Tan-awa sa R. B. Thieme, Jr., *The Plan of God* (Houston: R. B. Thieme, Jr., Bible Ministries, 2003). Sa umaabot, mga sangang-reperensiya ngadto sa akong mga libro magkutlo lamang sa magsusulat, titulo, petsa sa publikasyon (diha sa unang reperensiya), ug panid (mga panid).

2. Tan-awa sa Pakapin sa Basahon.

3. Ang tawhanong kalag mao kanang rasyonal, dimateryal nga aspeto sa katawhan nga gilangkuban sa pagkahibalo-sa-kaugalingon, mentalidad, kabubut-on, ug konsensiya. Tan-awa sa Thieme, *The Plan of God*, 5-7.

“Apan gikan sa kahoy sa kahibalo sa maayo ug daotan ikaw dili magkaon, kay diha sa adlaw nga ikaw magkaon gikan niini ikaw gayud mamatay.” (Genesis 2:17)⁴

Kita nakahibalo nga ang pamahayag “ikaw gayud mamatay” wala nagpunting ngadto sa lawasnong kamatayon tungud kay si Adan ug ang babaye wala dihadiha nangamatay sa lawasnon sa dihang sila nakasupak sa mando sa Dios. Sila, hinoon, dihadiha namatay sa espirituhanon (Genesis 3:7); sila nawad-an sa ilang tawhanong espiritu ug nakaangkon sa usa ka kinaiyang makasasala.⁵ “Ikaw gayud mamatay” nagpunting ngadto sa espirituhanong kamatayon, pagkahimulag gikan sa Dios dinhi sa panahon. Ang bag-ong naangkon nga kahimtang ni Adan sa espirituhanong kamatayon usab ang hinungdan sa tanang umaabot nga mga henerasyon aron maunlod diha sa

4. Gawas kon sa laing paagi gipahayag, ang tanang mga Kasulatan niini nga libro maoy gikutlo gikan sa New American Standard Bible (NASB). Kadtong mga gimarkahan og “KJV” maoy gikutlo gikan sa King James Version; kadtong mga gimarkahan og gikorihiang paghubad mao ang mga paghubad sa magsusulat sa Hebreyo ug Griyego nga mga teksto. Ang sinanggaang komentaryo nagpadayag sa pagpalapad sa NASB nga paghubad nga gitudlo diha sa Bibliyanhong klase nga mga pakigpulong (abilabol kini sa [English] MP3 CD gikan sa R. B. Thieme, Jr., Bible Ministries, Houston, Texas).

5. Sa orihinal gibuhat sa Dios nga nabahin ngadto sa tulo ka matang—lawas, kalag, ug espiritu—ug sa espirituhanon nga buhi, si Adan ug ang babaye nawad-an sa ilang tawhanong espiritu, nahimo nga nabahin ngadto sa duha ka matang—lawas ug kalag—ug sa espirituhanon nga patay sa takna nga sila nakasala. Nga walay tawhanong espiritu, ang tawo maoy dimakahimo aron makasabut o makatuhup og espirituhanong mga talagsaong-hitabo, o doktrina sa Bibliya.

Ang matag tawo, gawas ni Jesu-Kristo, maoy natawo nga nabahin ngadto sa duha ka matang ug sa espirituhanon nga patay. Espirituhanong kamatayon mao ang resulta sa impyutasyon sa orihinal nga sala ni Adan ngadto sa kaliwatanong naporma nga kinaiyang makasasala. Kini nga kinaiyang makasasala, nga nalalang isip usa ka direktang resulta sa unang sala ni Adan, mao ang gigikanan sa tentasyon aron morebelde batok sa Dios. Nagpuyo diha sa selyulang estruktura sa lawas, ang kinaiyang makasasala maoy gipasa sa kaliwatan gikan ni Adan pinaagi sa lalaki ngadto sa ubang tawhanong kaliwatan pinaagi sa pagpaliwat (Mga Taga-Roma 6:6; 7:5, 18). Ang kinaiyang makasasala mao ang “karaang tawo” sa Mga Taga-Efeso 4:22 (KJV); ang Adanong kinaiya sa “unud” sa Mga Taga-Roma 8:3-4; ang prinsipyo sa “sala” sa Mga Taga-Roma 7:8-20. Tan-awa sa Thieme, *The Blood of Christ* (2002), 8-10; *God the Holy Spirit vs. The Sin Nature* (2000), 1-4; ug *The Integrity of God* (2005), 63-79.

espirituhanong kamatayon (Mga Taga-Roma 5:12, 14). Gawas ni Jesu-Kristo, ang matag tawo maoy natawo nga patay sa espirituhanon (Mga Taga-Efeso 2:1).⁶

Sa katapusan sa Genesis 3:17, kita nakakat-on gikan sa pamulong “tanang mga adlaw sa imong kinabuhi” nga ang lawasnong kamatayon maoy usa ka sangputanan sa espirituhanong kamatayon. Diha sa usa ka punto sa panahon ang matag myembro sa tawhanong kaliwatan mamatay sa lawasnon, sama ni Adan sa pangidaron nga 930 anyos (Genesis 5:5). Ang lawasnong kamatayon mao ang pagkabulag sa kalag gikan sa lawas aron nga ang tawo dili na magpuyo diha sa planetang kalibutan. Ang kalag, hinoon, dili mamatay, apan magpuyo sa kahangturan diha sa bisan hain sa langit o impiyerno.

Ang lawasnong kamatayon maoy tungud niini gipaila isip usa ka mahinungdanon kaayo nga isyu diha sa anghelanong away.⁷ Tungud kay ang tawo gihimo aron mosulbad niining kinakaraanang away pinaagi sa pagpili para o batok sa plano sa Dios, ang iyang panahon diha sa kalibutan mahimong makahuluganon. Ang Dios naggahin sa matag usa ka tawo og usa ka pihong gidaghanon sa mga adlaw atol nga siya makapili

6. Ang birhen nga pagmabdos pinaagi nga si Jesu-Kristo misulud dinhi sa kalibutan mipugong sa iyang pagkatawo gikan sa pag-angkon og usa ka kaliwatanong naporma nga kinaiyang makasasala aron nga walay impyutasyon sa orihinal nga sala ni Adan. Si Jesu-Kristo maoy hinoon natawo nga nabahin ngadto sa tulo ka mga matang, perpekto, ug sa espirituhanon nga buhi. Tan-awa sa Thieme, *The Integrity of God*, 85-88.

7. Ang anghelanong away mao ang dimakitang espirituhanong gubat tali sa kalibutanong kasundalohan ni Satanas ug sa langitnong kasundalohan sa Dios (Pinadayag 4:7). Ang anghelanong away misugod diha sa milabay nga eternidad sa dihang si Lucifer (ang ngalan ni Satanas sa wala pa ang iyang pagkalaglag) milihok nga gawasnon sa Dios (Isaiah 14:13-14), midani og usa sa tulo ka bahin sa anghelanong ginsakpan (Pinadayag 12:4), ug mipasilaub niining una-sa-kasaysayan nga pag-alsa. Ang pagkamatarong ug hustisya sa Dios mihukum ni Satanas ug sa iyang mga alagad (mga demonyo) para sa ilang rebelyon batok Kaniya ug misilot kanila ngadto sa linaw sa kalayo para sa tibuuk eternidad (Mateo 25:41). Thieme, *Satan and Demonism* (1996).

Ang linaw sa kalayo, o impiyerno, maoy usa ka literal ug waykatapusang lugar sa paghukum, pag-antos, ug kasakit para sa tanang waypagtoong katawhan (Lukas 16:22-24; Pinadayag 20:15), Satanas, ug ang tanan sa iyang mga demonyo (Pinadayag 20:10).

para o batok sa Iyang plano. Sa dihang kining panahona mahurot, ang lawasnong kamatayon mahitabo.

Ug sanglit kini maoy gikatakda para sa katawhan aron mamatay sa makausa [sa lawasnon] ug human niini [para adtong kinsa nagsalikway ni Kristo isip Manluluwas] *mag-abut* ang paghukum. (Mga Hebreohanon 9:27)

Dios Naghatag og mga Kasulbaran

Ang Dios maoy balaan (1 Samuel 2:2). Ang kabalaanon sa Dios, o integridad, maoy gilangkuban sa Iyang perpektong pagkamatarong ug hustisya. Ang pagkamatarong sa Dios mao ang sukaranan o prinsipyo sa Iyang integridad; Iyang hustisya mao ang kalihukan sa Iyang integridad. Unsa ang dawaton sa pagkamatarong sa Dios, Iyang hustisya nagpanalangin. Unsa ang gisalikway sa pagkamatarong sa Dios, Iyang hustisya naghukum. Tungud kay ang pagkamatarong sa Dios walay kalabutan sa espirituhanong patay nga katawhan, Iyang hustisya makasilot lamang kaniya. Apan nakahibalo nga ang tawo makasala ug mapakyas, ang gugma ug integridad sa Dios misangkap og usa ka paagi para sa tawo aron makaangkon og usa ka relasyon uban Kaniya. Ang tawo makaduul ngadto sa Dios pinaagi sa Iyang grasya nga palisiya.

Ang grasya mao ang pagpadayag sa dimapakyas nga gugma ug integridad sa Dios, ang palisiya sa Iyang waymeritong pabor nga gihatag diha sa makasasalang katawhan (Isaiah 30:18). Sa yano gibatbat, ang grasya maoy libreng gihatag ug walay angayan. Ang Dios naghimo sa tanan para sa tawo nga pinasikad diha sa pagluwas nga buhat ni Jesu-Kristo didto sa krus (Mga Taga-Efeso 1:6). Ang grasya misugod sa milabay nga eternidad uban ang Dios ug mao ang divine nga pasiugda nga nagtanyag og usa ka relasyon uban sa ug mga panalangin

ngadto sa katawhan og sa hingpit lahi kay sa tawhanong merito, tawhanong mga buhat, o bisan unsa nga laing tawhanong mga kapanguhaan. Ang katawhan dili makahimo aron makakuha o angayan sa grasya. Ang grasya nga plano sa Dios sa kaluwasan dili lamang nagpakita sa Iyang perpektong karakter, apan nagsiguro sa kapildihan ni Satanas diha sa anghelanong away (Genesis 3:15).

“Kay gihigugma kaayo sa Dios ang kalibutan, nga Siya mihatag sa Iyang bugtong gipanamkon nga Anak, nga bisan kinsa ang nagtoo diha Kaniya dili gayud malaglag, apan adunay waykatapusang kinabuhi.” (Juan 3:16)

Sa usa ka bahin, ang pagkamatarong ug hustisya sa Dios nagkinahanglan sa parehang espirituhanon ug lawasnong kamatayon. Sa laing bahin, ang Iyang pagkamatarong ug hustisya maoy napasig-uli pinaagi sa buhat ni Kristo didto sa krus alang kanato.

Siya mihimo Kaniya kinsa nasayod nga walay sala *aron mahimong* sala alang kanato. (2 Mga Taga-Corinto 5:21a)

Ang Dios karon maoy gawasnon aron mohatag og mga kasulbaran ngadto sa duha ka labing-dakong mga problema sa tawo. Ang problema sa espirituhanong kamatayon sa tawo maoy gisulbad pinaagi sa iyang wala-ang-merito nga pagtoo diha ni Jesu-Kristo isip Manluluwas. Sa takna sa kaluwasan, ang bag-ong magtotoo dihadiha magdawat og usa ka tawhanong espiritu nga sa sulud ang Balaang Espiritu nag-impuyut sa waykatapusang kinabuhi og naghimo kaniya nga

espirituhanong buhi, o “natawo pag-usab” (Juan 3:6-7).⁸ Ang problema sa lawasnong kamatayon sa magtotoo—kahadlok—maoy gisulbad pinaagi sa iyang pagtuhup sa doktrina sa Bibliya ug pag-abante paingon sa espirituhanong kahamtong diin siya sa dikalikayan makadawat og katingalahang divine nga mga panalangin diha sa pagkamatay nga grasya.

Ang Kamatayon sa Dimagtotoo

Kay ang dimagtotoo kinsa wala maghuput og way-katapusang kinabuhi, ang lawasnong kamatayon nagpaila og usa ka hilabihang kahadlok nga paghulagway. Diha sa Job 24:17, si Job nag-ingon, naghisingot sa dimagtotoo nga nag-atubang og kamatayon, “Kay ang kabuntagon maoy susama alang kaniya ingon sa dagtom sa kamatayon” (gikorihiyan nga paghubad). Ang kahayag sa kabuntagon nagkahulugan og wala ngadto sa himatyong dimagtotoo. Siya maoy nalisang kaayo sa talan-awon sa kamatayon nga ang takna sa adlaw o iyang kalikupan nagkahulugan og wala ngadto kaniya; siya maoy anaa sa usa ka kahimtang sa kakuyaw. Si Elihu miuyon ni Job mahitungud sa dimagtotoo nga nag-atubang og kamatayon diha sa Job 34:22 sa dihang siya miingon, “Walay kangitngit ni dagtom sa kamatayon diin ang mga trabahador sa pagkadaotan mahimo nga motago sa ilang-kaugalingon” (gikorihiyan nga paghubad). Walay lugar ang dimagtotoo nga matagoan gikan sa katinuuran sa kamatayon. Sa dihang siya mamatay, ang iyang kalag moadto sa Hades aron mohulat sa pagkabanhaw ngadto sa Katapusang Paghukum.⁹

8. Sa dihang ang magtotoo mamatay, ang iyang tawhanong espiritu nag-uban sa iyang kalag ngadto sa langit (1 Mga Taga-Tesalonica 5:23). Tan-awa sa Thieme, *The Barrier* (2003), 13-16; *Tongues* (2000), 51-52.

9. Hades mao ang kinatibuk-ang ngalan para sa pinuy-anan sa patay, parehong magtotoo ug dimagtotoo, sa wala pa ang pagkabanhaw ug pagsaka ni Jesu-Kristo. Sunud niana, ang pinuy-anan sa tanang mga magtotoo diha sa ilang mga kamatayon mao ang langit. Ang

Ngadto sa dimagtotoo, ang kamatayon maoy usa ka pahinumdom nga ang iyang panahon dinhi sa kalibutan maoy hamubo (Santiago 4:14). Bisan og siya mabuhi sa usa ka gatos ka katuigan, kana mao sa gihapon usa ka hilabihang kamubo pa nga panahon itandi ngadto sa eternidad. Ang kamatayon usab maoy usa ka pahinumdom sa kakawang niining kalibutanong himaya. Ang tawhanong pagkainila o dako kaayo nga mga bahandi o bisan unsang gitooan nga yawi ngadto sa kalipay nga sa kataranta gigukod diha sa kinabuhi maoy giguba pinaagi sa kamatayon. Si Gaius Julius Caesar maoy usa ka tawo nga tinuud ang pagkabantugan, usa ka tawo nga henyo diha sa matag ginsakpan sa kinabuhi, apan asa naman siya karon? Siya maoy anaa sa Hades naghulat nga ibalhin ngadto sa linaw sa kalayo didto sa Katapusang Paghukum. Siya maoy anaa sa Mga Kasakit karon ug siya maanaa sa kasakit sa kahangturan (Mateo 25:41; Pinadayag 20:14-15).¹⁰ Unsay kapuslanan alang kaniya karon mao ba ang iyang kabantog ug maayong-katakus sa kainila ug kadaugan? Wala gayud. Kon ugaling ang usa ka tawo magsugod og kamatay, kining tanan mga butanga mangahanaw—*sic transit gloria mundi*, “busa ang kadaugan sa kalibutan lumalabay.” Bugtong ang waykatapusang mga butang ang magpabilin sa kahangturan.

Kay unsa niini ang maganansiya sa usa ka tawo
kon siya makaangkon sa tibuuk kalibutan, ug

Hades nagsulud og upat ka mga bahin: Paraiso, Mga Kasakit, Tartarus, ug ang Abyss. Tan-awa sa Thieme, *Victorious Proclamation* (2002), 19-22.

Ang Katapusang Paghukum mao ang kinatumyang paghukum sa tawhanong kasaysayan nga nagsunud sa Milenyo nga ang matag dimagtotoo sa tawhanong kaliwatan maoy ilain gikan sa Dios para sa tibuuk nga eternidad ug silotan ngadto sa linaw sa kalayo para sa sala sa pagkawalay-pagtoo (Mateo 25:41). Kini mao usab ang gitawag og “ang ikaduhang kamatayon” (Pinadayag 2:11) o ang “dakong puting trono” sa paghukum (Pinadayag 20:11-15). Tan-awa sa Thieme, *Slave Market of Sin* (1994), 25-26.

10. Usa ka kwarto sa Hades, Mga Kasakit maoy usa ka temporaryong pinuy-anan sa kalayo diin ang dimagtotoo nagpuyo human sa kamatayon hangtod sa Katapusang Paghukum diha sa katapusan sa tawhanong kasaysayan (Lukas 16:23; Pinadayag 20:11-15). Tan-awa sa Thieme, *Victorious Proclamation*, 21.

mawad-an sa iyang kaugalingong kalag? O unsay mahatag sa usa ka tawo isip bugti para sa iyang kalag? (Markos 8:36-37, NKJV)

Bisan unsa nga kalingawan ang dimagtotoo anaa diha sa kinabuhi o bisan unsa ang iyang mga kalampusan, ang tanan mahimong mapait nga mga handumanan. Para sa dimagtotoo walay paglaum lapas sa lubnganan—bugtong pagpaabot sa waykatapusang paghukum.

Ang dimagtotoo nga nag-atubang og kamatayon mao usab gipahinumduman nga siya dili gayud mangahas nga ibaliwala ang ugma. Ang kamatayon maoy usa ka multo sa kasigurohan sa paghukum para sa kadtong kinsa maoy diandam. Ang bugtong pagpangandam para sa eternidad mao ang hilabihan ka importanteng desisyon sa kinabuhi: pagpili aron motoo diha ni Jesu-Kristo isip Manluluwas (Mga Buhat 16:31). Diha sa usa ka bahin,

Siya kinsa wala nagtoo gihukman nang daan, tungud kay siya wala man mitoo diha sa ngalan sa bugtong gipanamkon nga Anak sa Dios.” (Juan 3:18b)

Apan diha sa laing bahin,

Busa karon wala nay pagsilot [paghukum] para sa kadtong kinsa maoy anaa diha ni Kristo Jesus. (Mga Taga-Roma 8:1)

Dugang pa, ang Pulong sa Dios sa tin-aw nagtino:

“Siya kinsa nagtoo diha sa Anak adunay waykatapusang kinabuhi; apan siya kinsa wala nagtuman sa Anak dili makakita sa kinabuhi, apan ang kaligutgut sa Dios nagpabilin diha kaniya.” (Juan 3:36)

Para sa dimagtotoo, ang kamatayon nagkahulugan og waykatapusang paghukum diha sa linaw sa kalayo.

Ug kon ang ngalan ni bisan kinsa dili makaplagan nga nahasulat diha sa libro sa kinabuhi, siya maoy itambog ngadto sa linaw sa kalayo. (Pinadayag 20:15)

Wala gayuy paagi nga kita makahimo o gusto nga mopaminos sa kalisang sa kamatayon ngadto sa dimagtotoo (Markos 9:47b-48). Siya kinahanglang mag-atubang sa hingpit nga katinuuran nga siya maoy dili andam para sa eternidad ug kana maoy tinuud nga “usa ka makalilisang nga butang aron mahulog ngadto sa mga kamut sa buhing Dios” (Mga Hebreohanon 10:31).

Apan, kining pareha nga buhing Manluluwas pinaagi sa Iyang mapulihong espirituhanong kamatayon didto sa krus mihatag sa dimagtotoo og usa ka agianan sa pag-iskapo. Samtang siya maoy buhi pa, ang dimagtotoo adunay kahigayonan aron modawat o mosalikway ni Jesu-Kristo isip Manluluwas. Ang Dios dili manghilabot diha sa kabubut-on ni bisan kinsa. Siya maoy dili masugtanon nga adunay “malaglag apan para sa tanan nga moabut ngadto sa paghinulsul [pag-usab sa hunahuna mahitungud ni Kristo]” (2 Pedro 3:9). Si Jesu-Kristo mao “ang dalan, ug ang kamatuuran, ug ang kinabuhi” (Juan 14:6). Pinaagi sa pagtoo lamang diha ni Kristo lamang, ang dimagtotoo makapahimulus sa iyang-kaugalingon niining dako-kaayo nga kaluwasan.

“Pagtoo diha ni Ginoong Jesus, ug ikaw maluwas.”
(Mga Buhat 16-31a)

ANG KAMATAYON SA MAGTOTOO

Diha sa kalainan ngadto sa makahahadlok nga talan-awon sa dimagtotoo, ang kamatayon sa magtotoo diha sa pagkamatay nga grasya maoy absolutong katingalahan. Gawas pa sa pagtangtang sa tanang mga kahadlok ug mga kabalaka sa kamatayon, ang pagkamatay nga grasya maoy kinalabwan sa tanang mga panalangin diha sa kinabuhi tungud sa kinsa ug unsa mao si Kristo ug ang Iyang matahum nga pagsangkap diha sa Iyang sinulat nga Pulong. Pinaagi sa labing-daghang doktrina sa Bibliya nga nagpuyo diha sa iyang kalag, ang magtotoo maoy makahimo nga motan-aw pagbalik diha sa iyang kinabuhi nga walay mga pagmahay ug uban sa dakong pagkatagbaw. Sa maong panahon, siya nag-atubang sa eternidad uban ang dakong pagpaabot sa pagpakigkita sa Ginoo sa Himaya nawong sa nawong. Uban ang waypagduhaduha nga pagsalig, ang magtotoo uban ang labing-daghang doktrina diha sa iyang kalag nagtan-aw paabante ngadto sa pagdawat sa iyang waykatapusang mga panalangin ug mga ganti nga gisangkap sa Dios diha sa milabay nga eternidad (1 Mga Taga-Corinto 2:9; Mga Taga-Efeso 1:3; 2:7; Mga Taga-Filipos 3:14; Pinadayag 2:10, 28; 3:4-5).

Ngano man nga ang pagkamatay nga grasya daw ingon og eksklusibong pribilihiyo sa kadtong mga magtotoo nga adunay labing-daghang doktrina diha sa ilang mga kalag? Dili ba ang usa ka mahigugmaong Dios gusto nga ang tanan Niyang mga anak nga makaangkon og hilabihang kalipay diha sa ilang katapusang higayon dinhi sa kalibutan? Mahimo ba ang Dios nga dimakiangayon? Dili gayud! Kini maoy imposible para sa perpektong Dios nga mahimong bisan unsang butang apan sa hingpit nga makiangayon ug makatarunganon diha sa matag-butang nga Siya maghimo. Unsaon, unya, nga kita makapasabut niining makitang kawalay-kauyunan?

Panalangin diha sa Pagkamatay

Busa ang GINOO naghandum nga maloloy-on
nganha kaninyo,
Ug busa Siya naghulat didto sa hataas nga adunay
kalooy diha kaninyo.
Kay ang GINOO maoy usa ka Dios sa hustisya;
Unsa ka bulahan mao ang tanan kadtong kinsa
naghandum Kaniya [pasensiya ug dedikasyon
ngadto sa makanunayong pagpasulud sa
doktrina]. (Isaiah 30:18)

Ang tanang panalangin maoy usa ka butang sa grasya sa Dios. Ang omnipotence sa Dios adunay gahum ug abilidad aron mopanalangin sa magtotoo. Gikan sa milabay nga eternidad, ang omniscience sa Dios sa kanunay nakahibalo sa tukma unsaon aron mopanalangin sa magtotoo. Bisan pa, diha sa paggamit sa bisan unsa sa Iyang divine nga mga hiyas ang Dios kinahanglang masubay ngadto sa mga pagbungat sa Iyang kaugalingong perpektong pagkamatarong. Busa ang hustisya sa Dios nag-ingon, “Taympa! Pihong matarong nga mga sukaranan ang kinahanglang makab-ot sa dili pa Ako makahatag og bisan unsa pinaagi sa panalangin ngadto sa makasasalang tawo.”

Bugtong Dios ang makahunahuna sa usa ka paagi para sa makasasalang tawo aron makatuman sa Iyang matarong nga mga sukaranan ug mapanalanginan nga dili makompromiso ang Iyang karakter. Ang Dios nagsugod pinaagi sa pag-impuyut sa Iyang divine nga pagkamatarong ngadto sa magtotoo sa takna sa kaluwasan (Mga Taga-Roma 3:22; 1 Mga Taga-Corinto 1:30; 2 Mga Taga-Corinto 5:21; Mga Taga-Filipos 3:9).¹¹ Ang giimpuyut nga pagkamatarong mao ang basihan para sa atong

11. Thieme, *The Integrity of God*, 95-97.

pagkahitarong.¹² Ang giimpyut nga pagkamatarong naghimo sa magtotoo nga hingtungdan sa waykatapusan, personal nga gugma sa Dios. Tungud kay ang Dios nangita sa kinatas-an ug kinamaayohan para sa mga hingtungdan sa Iyang gugma, diha sa milabay nga eternidad Siya misangkap og dikasagarang mga panalangin nga naglakip og pagkamatay nga grasya para sa matag magtotoo. Ang giimpyut nga pagkamatarong mao usab ang tumong para sa tanang nagsunud nga panalangin gikan sa Dios.¹³ Ang impyutasyon sa divine nga pagkamatarong nagpahiluna og usa ka ‘agianan sa grasya’ nga maoy gidepensahan gikan sa bisan unsang sistema sa tawhanong mga buhat o merito ug pinaagi nga ang Dios makapanalangin sa magtotoo.

Diha sa matag bahin sa divine nga plano, ang magtotoo naglihok ubus sa iyang wala-ang-merito nga kabubut-on aron motoo diha ug moangkon sa mga panalangin nga ang Dios mituman alang sa iyang kaayohan. Una, tungud kay si Kristo, ang Anak sa Dios, maoy gihukman didto sa krus pinaagi sa Dios nga Amahan para sa tanang mga sala sa tibuuk tawhanong kaliwatan, ang tanan natong gikinahanglang buhaton mao ang pagtoo diha sa pagluwas nga buhat ni Kristo para sa kaluwasan (1 Pedro 2:24). Ikaduha, tungud kay si Kristo mibayad na sa silot para sa atong mga sala didto sa krus, kita sa yanong makarebound—maghingalan sa atong nahibaloang mga sala ngadto sa Dios—aron makabawi sa fellowship uban Kaniya human kita makasala.¹⁴ Ang Dios maoy “matinumanon

12. Pagkahitarong maoy usa ka legal o forensic nga pagpahayag gikan sa hustisya sa Dios nga nagpadayag sa kapanghimatuuran sa magtotoo nga nahitabo isip usa ka resulta sa impyutasyon sa divine nga pagkamatarong diha sa takna sa kaluwasan. Ibid., 97-103.

13. Ibid., 103-5.

14. Diha sa takna sa kaluwasan, ang matag magtotoo adunay usa ka waykatapusang relasyon uban sa Dios ug maoy gisulud ngadto sa temporaryong fellowship uban sa Dios pinaagi sa absolutong kahimtang sa pagkapuno uban ang Balaang Espiritu. Sa dihang ang magtotoo makasala, siya maoy anaa sa absolutong kahimtang sa karnalidad; siya dili mawad-an sa iyang kaluwasan, apan siya mawad-an sa pagpuno sa Balaang Espiritu ug temporaryong fellowship uban sa Dios. Tan-awa sa Thieme, *God the Holy Spirit vs. The Sin*

ug matarong nga mopasaylo kanato sa atong mga sala ug nga mohinlo kanato gikan sa tanang dipagkamatarong” (1 Juan 1:9b).¹⁵ Ug sa katapusan, tungud kay ang Iyang panghunahuna—ang Pulong sa Dios, ang “hunahuna ni Kristo” (1 Mga Taga-Corinto 2:16)—nagpuno sa atong mga kalag pinaagi sa grasyang aparato sa panabut para sa pagkat-on sa doktrina sa Bibliya, kita makaabante ngadto sa espirituhanong pagkahamtong diin kita adunay kinataasang kapasidad aron pagaulanan uban ang matahum nga mga panalangin para sa pagpuyo ug pagkamatay (Mga Salmo 138:2b).¹⁶

Apan, aron makadawat og panalangin gikan sa Dios, ang kapasidad para sa panalangin *kinahanglang* mag-una sa panalangin. Ang tanang kapasidad sa espirituhanong kinabuhi maoy gibasi diha sa kahibalo sa doktrina sa Bibliya. Ang dugang pang doktrina nga ang magtotoo nakahibalo, mas dako ang iyang kapasidad para sa panalangin gikan sa Dios. Bugtong ang kalag nga napuno uban sa doktrina sa Bibliya ang makamugna og kinahiladmang mga panalangin sa kalinaw, kalipay, ug pagsalig aron mokombate sa naandang kataranta, kalisang, ug kabalaka nga nag-uban sa pagkamatay.

Paminaw, ang mata sa GINOO [usa ka reperensiya
ngadto sa divine nga pagsangkap ug
panalangin] anaa kadtong kinsa nahadlok
[respeto] Kaniya [hamtong nga mga magtotoo
kinsa maoy gipuy-an uban ang Gigikanan sa
tanang mga panalangin],
Kadtong kinsa naglaum para sa Iyang

Nature, 21-23.

15. Thieme, *Rebound ang Keep Moving!* (1993).

16. Ang grasyang aparato sa panabut, o GAP, maoy usa ka wala-ang-merito nga sistema para sa espirituhanong pagtubo ug pag-abante nga gisangkap sa Dios aron nga ang matag magtotoo waysapayan sa iyang tawhanong IQ o edukasyon makakat-on ug makasabut sa tibuuk ginsakpan sa doktrina sa Bibliya. Tan-awa sa Thieme, *Christian Integrity* (2002), 106-8; *Reversionism* (2000), 3-7.

mahigugmaong-kalulot,
 Aron paglikay sa ilang kalag [pagkamatay nga
 grasya] gikan sa kamatayon.
 (Mga Salmo 33:18-19a)

Ngano man ang “mata sa GINOO” adtong kinsa maoy gipuy-an uban Kaniya? Tungud kay ang magtotoo kinsa nahamtong sa espirituhanon maoy sa hingpit gipahiuyon ngadto sa hustisya sa Dios.¹⁷ Siya misunud sa divine nga plano pinaagi sa pagpahiuyon ngadto sa hustisya sa Dios diha sa kaluwasan, rebound, ug espirituhanong pagtubo aron nga siya anaay kapasidad aron modawat sa pagkamatay nga grasyang mga panalangin. Ang pagkagipuy-an uban Kaniya mao ang pagpuyo uban ni Kristo sa hamtong nga magtoo—iyang gugma, dibosyon, ug respeto para ni Ginoong Jesu-Kristo gikan sa labing-daghang doktrina sa Bibliya nga nagpuyo diha sa iyang kalag. Ang Dios busa maoy gawasnon nga mopanalangin kaniya, bisan pa uban ang labing-dako sa

17. Adunay tulo ka mga pagpahiayon ngadto sa hustisya sa Dios nga gisugo pinaagi sa mga Kasulatan:

1. Ang dimagtotoo naghimo sa kaluwasang pagpahiayon ngadto sa hustisya sa Dios sa makausa ug para sa tanan og hingpit labot pa gikan sa bisan unsang tawhanong merito pinaagi sa pagtoo lamang diha ni Kristo lamang (Mga Taga-Efeso 2:8-9). Ang alternatibo aron sa pagpahiayon ngadto sa hustisya sa Dios mao nga ang hustisya sa Dios magpahiuyon ngadto sa dimagtotoo pinaagi sa waykatapusang pagsilot ngadto sa linaw sa kalayo (Juan 3:18, 36; Pinadayag 20:12, 15).
2. Ang magtotoo human sa kaluwasan kinahanglang maghimo sa pagpahiayon ngadto sa hustisya sa Dios matag higayon nga siya makasala pinaagi sa pag-angkon sa iyang mga sala sa pribado ngadto sa Dios nga Amahan aron nga siya nagdawat sa pagpasaylo, nagbawi sa pagpuno sa Balaang Espiritu, ug maoy nahibalik ngadto sa fellowship (1 Juan 1:9). Ang alternatibo mao nga ang hustisya sa Dios nagpahiuyon ngadto sa karnal nga magtotoo diha sa divine nga disiplina (Mga Hebreohanon 12:5, 11).
3. Ang magtotoo kinsa nag-abante ngadto sa espirituhanong pagkahamtong naghimo og pagpahiayon ngadto sa hustisya sa Dios pinaagi sa pagtubo diha sa grasya ug kahibalo sa atong Ginoo ug Manluluwas nga si Jesu-Kristo (2 Pedro 3:18). Ang alternatibo mao nga ang hustisya sa Dios nagpahiuyon ngadto sa magtotoo kinsa maoy negatibo ngadto sa doktrina sa Bibliya pinaagi sa paghatag sa sala paingon sa kamatayon (1 Juan 5:16). Tan-awa sa Thieme, *The Integrity of God*, 177-80. Tan-awa usab sa mga pahina 22-23.

tanang mga panalangin sa Dios para sa panahon.

Bililhon diha sa panan-aw sa GINOO
Mao ang kamatayon sa Iyang diosnong mga tawo
[hamtong nga mga magtotoo]. (Mga Salmo
116:15)

Isip usa ka espirituhanong hamtong nga magtotoo, ang imong pagkamatay nga mga takna maoy bililhon kaayo sa Dios tungud kay sila maoy Iyang katapusang kahigayonan aron mopanghimatuud sa tanang doktrina sa Bibliya diha sa imong kalag. Dugang pa, ang paghatag sa pagkamatay nga grasya nagpakita sa Iyang divine nga pagtugot. Ikaw mihimaya sa Dios diha sa anghelanong away. Ikaw mipahimuut Kaniya ug kini naghatag Kaniya og dakong kalipay aron mopanalangin kanimo.

Ang Duha ka Mga Kamatayon ni Jesu-Kristo

Walay libro diha sa hilisgutan sa pagkamatay nga makompleto nga walay usa ka pagtoon sa pagkatalagsaon sa kamatayon sa atong Ginoo. Si Jesu-Kristo namatay sa makaduha didto sa krus; Siya namatay sa espirituhanon pinaagi sa Iyang pagkahimulag gikan sa Amahan (Mga Salmo 22:1a), ug unya Siya namatay sa lawasnon pinaagi sa pagbuhi sa Iyang kalag ug espiritu (Juan 19:30). Kini nga kamatuuran maoy gipakatawo pinaagi sa daghanang Hebreyo nga pulong (*mewet*), gihubad og “mga kamatayon,” diha sa Karaang Testamento.

Ug Siya [Dios nga Amahan] mitugyan sa Iyang [kang Kristo] lubnganan uban ang daotan [ang duha ka mga kawatan], ug uban ang dato diha sa Iyang mga kamatayon [espirituhanon ug

lawasnon]. (Isaiah 53:9, gikorihian nga paghubad)

Ang atong Ginoo maoy didto sa krus sulud sa unum ka mga oras, gikan sa kapin kun kulang alas nwebe sa buntag hangtod mga alas tres sa hapon. Samtang Siya miagwanta og hilabihan nga lawasnong pangdagmal una pa ug samtang didto sa krus (Mateo 26:67; 27:26-35; Markos 14:65; 15:15-24; Lukas 22:63-64; 23:11; Juan 18:12, 22; 19:1-18), Siya maoy sa lawasnong buhi atol sa tibuuk panahon. Apan, ang tuloka-oras nga gidugayon gika sa alas dose sa udto hangtod sa alas tres sa hapon mao ang panahon sa Iyang espirituhanong kamatayon sa dihang ang mga sala sa tibuuk kalibutan maoy gibubu ngadto Kaniya ug gihukman.

Kay si Kristo usab namatay para sa mga sala sa makausa para sa tanan, *ang* patas para sa dipatas, aron nga Siya mahimong magdala kanato ngadto sa Dios. (1 Pedro 3:18a)

Sa dihang si Jesu-Kristo misinggit og (*tetelestai*), “Natapos na!” (Juan 19:30a), si Jesu-Kristo nakabayad na sa silot para sa atong mga sala. Ang Iyang mapulihong espirituhanong kamatayon didto sa krus, ang pagkabulag sa Iyang waysayup nga pagkatawo gikan sa Dios nga Amahan, mao ang presyo sa atong dako-kaayo nga kaluwasan (Mateo 27:46).¹⁸

Sa upat ka Ebanghelyo nga mga magsusulat kinsa nagsulti kanato sa Iyang katapusang mga takna dinhi sa kalibutan, bugtong si Lukas ang nagtala og igo para kanato aron moila sa tibuuk bersikulo nga si Kristo mikutlo gikan sa Mga Salmo:

Diha sa Imong kamut Ako magtugyan sa akong espiritu;

18. Thieme, *The Blood of Christ*, 23-26.

Ikaw milukat [mitubus] kanako, O GINOO, Dios sa kamatuuran [doktrina]. (Mga Salmo 31:5)

Kini nga pamahayag maoy sa hilabihan ang kaimportante alang kanimo isip usa ka magtotoo diha ni Ginoong Jesu-Kristo, kay kini nagpadayag sa basihan para sa kusog ni Jesu-Kristo sa katibuk-an sa Iyang talagsaon ug mangilngig nga pag-antos didto sa krus—susamang lawasnon ug espirituhanon. “Doktrina” mao ang katapusang pulong nga gilitok ni Jesus sa panahon sa Unang Pag-abut. Ang kinahiladmang kusog sa doktrina sa Bibliya nga nagpuyo diha sa kalag sa atong Ginoong Jesu-Kristo nga mipalahutay Kaniya sulud sa katloan-og-tulo ka katuigan ug samtang Siya maoy didto sa krus mao ang parehong kinahiladmang kusog nga gidisenyo aron mopalahutay kanimo diha sa susamang pagkabuhi ug pagkamatay.

Maingon nga kini maoy gikinahanglan para ni Kristo aron moantos og espirituhang kamatayon aron masiguro ang atong waykatapusang kaluwasan, busa kini mao usab ang gikinahanglan para Kaniya aron mamatay sa lawasnon aron nga mabanhaw—gipabuhi gikan sa patay uban ang usa ka dimamatay nga tawhanong lawas—ug mahimaya didto sa toong kamut sa Dios nga Amahan.¹⁹ Kon walay pagkabanhaw, pagsaka, sesyon, ug paghimaya ni Jesu-Kristo diha sa Iyang pagkabanhaw nga lawas diha sa presensiya sa Dios nga Amahan, atong pagtoo diha ni Kristo mahimong waypulus (1 Mga Taga-Corinto 15:12-17). Ang pagkabanhaw nagpakita nga si Kristo adunay gahum labaw sa kamatayon; tungud kay Siya nabuhi, kita usab mabuhi (Lukas 20:38). Ang pagkabanhaw ni Jesu-Kristo naghatag kanato sa absolutong kamasaligon diha

19. Ang dimamatay nga lawas sa pagkabanhaw sa atong Ginoo maoy mailhan ngadto sa Iyang mga disipulo ug sa uban ngadto kang kinsa Siya mipakita diha sa kalibutan sa wala pa ang Iyang pagsaka didto sa langit (Mateo 28:9, 17; Markos 16:9-14; Lukas 24:15-46; Juan 20:14-21:14).

sa umaabot (1 Pedro 1:3-5, 21), ug maoy usa sa gigikanan sa dako-kaayo nga kamalinawon sa dihang kita mag-atubang sa kamatayon.

Sa dihang ang nabanhaw nga Kristo misaka ngadto sa langit, Siya maoy milingkod didto sa toong kamut sa Dios nga Amahan (Mga Salmo 110:1; Mateo 22:44; Markos 12:36; Lukas 20:42-43; Mga Buhat 2:34-35; Mga Hebreohanon 1:13; 10:13). Ang sesyon sa Ginoo, ang paghimaya sa Iyang pagkatawo diha sa usa ka pagkabanhaw nga lawas, nagsugyot nga ang hustisya sa Dios nga Amahan maoy sa kompletong natagbaw pinaagi sa kaluwasang buhat sa Iyang Anak alang sa atong kaayohan (Mga Buhat 2:33; 5:31; Mga Taga-Filipos 2:9). Isip usa ka myembro sa tawhanong kaliwatan, ang Ginoong Jesu-Kristo midaog sa istratohiyanghong kadaugan sa anghelanong away; ang balaodnong paghukum sa Dios nga Amahan batok ni Satanas ug sa nangalaglag nga mga anghel napakita sa hingpit nga makiangayon.

Dugang pa, ang paghimaya ni Kristo isip ang Hari sa mga hari ug Ginoo sa mga ginoo (Pinadayag 19:16) nagkinahanglan sa Dios nga Amahan sa pagtawag og usa ka bag-o, espirituhanon, harianong pamilya ug pagsugod sa usa ka bag-ong dispensasyon, ang Kapanahonan sa Simbahan.²⁰ Si Kristo mao ang “unang mga bunga” ug isip Kapanahonan sa Simbahan nga harianong pamilya, kita maoy sunud sa linya aron pagabanhawon diha sa Pagsakgaw sa Simbahan (1 Mga Taga-Corinto 15:23).²¹ Milingkod didto sa toong kamut sa

20. Ang usa ka dispensasyon maoy usa ka panahon sa tawhanong kasaysayan nga gihubit diha sa mga termino sa divine nga pinadayag nga nagpadayag og pagbutyag sa plano sa Dios para sa katawhan (Mga Taga-Roma 16:25) ug naglangkub sa teyolohiyanghong interpretasyon sa divine nga panglantaw sa kasaysayan (Mga Taga-Efeso 2:7). Ang Kapanahonan sa Simbahan mao ang karon nga dispensasyon nga misugod niadtong adlaw sa Pentekostes, singkwenta ka mga adlaw human sa paglansang ni Kristo (Mga Buhat 2:1), ug matapos diha sa Pagkabanhaw o Pagsakgaw sa Simbahan (Mga Taga-Roma 16:25; Mga Taga-Efeso 1:10; 2:1, 5, 8-9; Mga Taga-Colosas 1:25-26). Tan-awa sa Thieme, *The Divine Outline of History: Dispensations and the Church* (1999), 3, 63-68.

21. Ang Pagsakgaw sa Simbahan mao ang pagkabanhaw sa tanang Kapanahonan sa

Amahan, si Kristo nagpadayon sa Iyang ministeryo isip atong Pangulong Pari, “sa kanunay buhi aron maghimo og pangamuyo alang kanila [harianong pamilya]” (Mga Hebreohanon 7:25*b*, gikorihian nga paghubad).

Doktrina sa Bibliya mao ang kabilin sa harianong pamilya, ingon man usab ang gigikanan sa kapasidad para sa matag panalangin diha sa panahon ug eternidad. Ang Pulong sa Dios nga nagpuyo diha sa imong kalag isip imong numero uno nga prayoridad nagsiguro nga ikaw mag-ambit diha sa kinatas-ang kadaugan sa tibuuk kasaysayan. Tungud sa espirituhanon ug lawasnong mga kamatayon sa atong Ginoo ug ang Iyang sunud nga pagkabanhaw, pagsaka, ug sesyon isip ang Mananaog diha sa anghelanong away, ang Dios nga Amahan mihatag ni Kristo sa mga bahandi sa uniberso nga Siya unya mag-apod ngadto sa mga magtotoo.

Busa [tungud kay si Kristo mitagbaw sa hustisya
sa Amahan pinaagi sa pagbayad sa silot para
sa atong mga sala didto sa krus], Ako [Dios nga
Amahan] maggahin Kaniya [Jesu-Kristo] og
usa ka bahin [ang mga sinakmit sa kadaugan]
uban ang bantugan [mga magtotoo],
Ug Siya magbahin sa mga butang sinakmit uban
ang malig-on [hamtong nga mga magtotoo];
Tungud kay Siya mibubu sa Iyang-kaugalingon
ngadto sa kamatayon [lawasnon],
Ug maoy gilakip uban ang mga makasasala;
Hinoon Siya sa Iyang-kaugalingon mipas-an sa
sala sa kadaghanan,
Ug mipataliwala para sa mga makasasala

Simbahan nga mga magtotoo gikan sa kalibutan, buhi ug patay, aron motagbo sa Ginoo didto sa kahanginan ug mao ang pagtapos sa Kapanahonan sa Simbahan. Ang Pagsakgaw sa Simbahan maoy nagkaduul; walay usa ang nakahibalo sa adlaw o oras (Mateo 24:26; Markos 13:32; Mga Buhat 1:7). Tan-awa sa mga pahina 34-35.

[mapulihong espirituhanong kamatayon].
(Isaiah 53:12)

Isip kabahin sa mga sinakmit sa kadaugan, ang Karaang Testamentong mga santos maoy gibalhin gikan sa Paraiso, o Dughan ni Abraham, ngadto sa ikatulong langit diha sa usa ka madaugong prosesyon uban ni Jesu-Kristo.²² Apan, ang kinadak-ang pag-apud-apud sa mga sinakmit nahisakup ngadto sa harianong pamilya (Mga Taga-Filipos 4:19). Bugtong ang “malig-on” nga magtotoo kinsa nagpahimulus sa kabilin sa doktrina nga atong Ginoo mipahimug-at diha sa iyang katapusang ginhawa didto sa krus ang adunay kapasidad diha sa iyang kalag aron modawat og kinadak-ang panalangin diha sa pagkamatay. Sa dihang ang kinabuhi sa magtotoo mao ang doktrina, kabahin sa nasakmit sa kadaugan naghimo sa iyang kamatayon nga pagkamatay nga grasya.

Paghulagway ni Job sa Pagkamatay nga Grasya

Usa sa hilabihang malukpanon nga mga paghulagway sa pagkamatay nga mga panalangin diha sa Bibliya maoy makita diha sa Job 5. Apan, si Job nagsugod sa iyang mga komentaryo diha sa pagkamatay nga grasya pinaagi sa pagpahinumdom kanato nga hangtod ang Dios naghukum sa pagdala kanato pauli, wala gayuy makatangtang kanato gikan niining kinabuhia. Ang Dios adunay usa ka sistema sa pagluwas nga maoy perpekto.

“Gikan sa unum [mga kategoriya sa] ka mga
kasamok Siya magtubus kanimo [hamtong nga

22. Paraiso maoy usa ka kwarto sa Hades diin ang tanang Karaang Testamentong mga magtotoo mipuyo human sa kamatayon (Lukas 23:39-43) hangtod sila maoy gibalhin ngadto sa langit human sa pagkabanhaw, pagsaka, ug sesyon ni Kristo (Mga Taga-Efeso 4:8-10). Tan-awa sa Thieme, *Victorious Proclamation*, 20-21.

magtotoo],
Bisan pa diha sa pito ka [mga kategoriya sa kasamok] daotan dili makahilabut kanimo.”
(Job 5:19)

Upat ka mga pananglitan sa kasamok maoy gihatag diha sa Job 5:20-21, kapit-os sa ekonomiya, katalagmang sosyal, kasundalohang kapildihan, ug pagkamatay.

“Diha sa kanihit sa pagkaon [kapit-os sa ekonomiya]
Siya magtubus kanimo gikan sa kamatayon,
Ug diha sa gubat gikan sa gahum sa espada.
Ikaw pagatagoan gikan sa latigo sa dila
[pagpakaulaw ug pagtabitabi],
Dili kamo mahadlok sa kapintas sa dihang kini
moabut.” (Job 5:20-21)

Ang Dios makatubus sa magtotoo gikan sa bisan unsang kadaotan o katalagman sa kinabuhi; walay masdako pa para sa plano sa Dios.

Dugang pa, uban ang kinahiladmang kusog sa doktrina sa Bibliya diha sa iyang kalag ang magtotoo mahimong sa hingpit nga malinawon diha sa bisan unsang makuyaw nga kalikupan tungud kay siya nakahibalo nga ang Ginoo Mismo migahin kaniya og usa ka hustong oras aron mamatay, ug nga hangtod unya, walay makatangtang kaniya gikan niining kalibutana.

“Ikaw magkatawa [usa ka kalmang panghunahuna
gikan sa kinahiladmang kusog sa nagpuyo nga doktrina ug kapasidad para sa kinabuhi] sa kapintas ug kanihit sa pagkaon,
Dili ikaw mahadlok sa ihalas og mabangis nga mga mananap [bisan unsang gigikanan sa makamatay nga kakuyaw, naglakip og mga awtomobil ug mga ayroplano karon].

Kay ikaw makig-abin uban ang mga bato sa hawanan [karaang mga hinagiban sa kagun-uban nga katumbas karon ngadto sa mga armas, atomik nga bomba, tali-sa-kontinenteng balistikong mga misel, ug uban pa];

Ug ang bangis nga mga mananap sa hawanan [makuyaw nga mga mananap nga makapatay og tawo] magmalinawon uban kanimo.” (Job 5:22-23)

Sa dihang ang gikatakdang oras sa Dios moabut, walay gahum sa langit o dinhi sa kalibutan, dili bisan pa ang kinamaayohang mga paningkamot sa medisina siyensiya o ang mapanalipdanong abilidad sa anghelanong ginsakpan, nga makapabilin sa magtotoo nga buhi. Ang kakuyaw dili makabalda sa hamtong nga magtotoo tungud kay siya maoy nakasinati sa grasya; siya nagtubag ngadto sa divine nga pasiugda sa grasya gikan sa doktrina nga nagpuyo diha sa iyang kalag. Siya nagtan-aw paabante ngadto sa pagkamatay nga grasya ug ang dimaihap, waykatapusang mga ganti ug mga panalangin nga gitagana didto nakadeposito para kaniya.

“Ug ikaw makahibalo [pinaagi sa doktrina nga nagpuyo diha sa kalag] nga ang imong tolda [tawhanong lawas] maoy siguro [sa hingpit nakahibalo sa unsa ang panghitabo, ug nagpaabot sa usa ka maayong kamatayon],

Kay ikaw magbisita sa imong pinuy-anan [langit] ug walay kahadlok sa pagkawala [sa waykatapusang ganti ug panalangin].” (Job 5:24)

Ang hamtong nga magtotoo usab nakahibalo nga ubus sa pagkamatay nga grasya siya makahimo sa pagtan-aw pagbalik diha sa iyang kinabuhi uban ang hingpit nga kamalinawon, kay

siya dili mabalaka mahitungud sa iyang pamilya ug sa mga hinigugma kinsa maoy nahabilin.

“Ikaw makahibalo usab nga ang imong mga kaliwat
magdaghan,
Ug ang imong kaliwatan sama sa sagbut sa
kalibutan.” (Job 5:25)

Kini wala magpasabut nga ikaw makabaton og daghang kabataan, hinoon nga ang tawhanong kaliwatan magpadayon sa pagpakabuhi human ikaw mawala. Kini nagbutang sa imong kamatayon diha sa iyang hustong panglantaw bahin ngadto sa Ginoo ug ang anghelanong away. Nakahibalo niini samtang ikaw maoy himatyon nagpasabut nga ikaw sa waypihig makalantaw kanila kinsa mahibilin.

Sa dihang ikaw magsugod sa pagkamatay, ikaw maoy lahi gikan sa imong mga higala. Sila maoy maayo ug lagsik. Ikaw miabut ngadto sa usa ka bag-ong kahimtang ug kini maoy malisud para kanila aron mosulud ngadto sa unsay nahitabo kanimo. Walay sapayan unsa kadaghang katawhan tingali nga anaa sa kilid sa imong kama samtang ikaw maoy himatyon, sila dili makauban kanimo. Apan, *adunay* Usa Ka Tawo kinsa nag-uban sa magtotoo lahus sa matag hugna sa pagkamatay ug Siya mao ang bugtong Usa kinsa makahimo—ang Ginoong Jesu-Kristo!

Ang magtotoo diha sa pagkamatay nga grasya makatabang sa buhi aron makapadayon sa pagpakabuhi. Siya makatabang sa iyang mga hinigugma aron mopahiuyon ngadto sa iyang pagbiya. Ang iyang kalig-on ug malinawong panghunahuna makatabang sa uban aron malinawon ug magbutang sa kamatayon diha sa iyang hustong panglantaw. Ang iyang espirituhanong kahamtong naghimo kaniya aron mohupay kanila kinsa kinahanglang mahabilin diha sa anghelanong away samtang siya nag-abante ngadto sa usa ka kahimtang sa hingpit ug waykatapusang kalipay—usa ka lugar sa “wala nay

kaguul, wala nay mga luha, wala nay kamatayon” (Pinadayag 21:4, gikorihian nga paghubad).

Ang panimpo sa Dios para sa imong kamatayon maoy perpekto, ug kabahin sa pagkamatay nga grasya mao aron mamatay sa hustong panahon.

Ikaw mag-adto sa imong lubnganan diha sa usa ka
hustong pangidaron,
Sama sa usa ka binangang mais nga nag-abut
diha sa iyang panahon. (Job 5:26, KJV)

Adunay usa ka hustong panahon ug usa ka sayup nga panahon aron mosanggi og mais; ang batid lamang ang makasulti kon ang usa ka binangang mais maoy berde o hinog. Susama, diha sa divine nga blueprint para sa imong kinabuhi, ang Dios mao ang Batid. Ang Dios nagpili sa punto sa panahon aron sa pag-ani kanimo gikan niining kinabuhia aron nga isip usa ka hamtong nga magtotoo uban ang doktrina nga nagpuyo diha sa imong kalag, ang imong kamatayon mahimong labing-dako nga panalangin dinhi sa kalibutan. Sa dihang ikaw mobiya, kita tingali maguul, apan kita usab magmaya diha sa kadaugan sa imong paglabang gikan sa pagkamatay nga grasya diha sa panahon ngadto sa mga panalangin sa eternidad.

Sa katapusan, ang Job 5 nagpahimug-at sa kaimportante sa pagkahibalo sa Pulong sa Dios, ang kinahanglanon sa pagpuno sa imong kalag uban ang doktrina sa Bibliya.

Tan-awa kini [doktrina sa pagkamatay nga grasya],
kita nangita niini,
Busa mao kini;
Paminawa kini, ug hibalo i kini para sa imong
kaayohan. (Job 5:27, KJV)

KAMATAYON MAOY DESISYON SA DIOS

Ang pagkamatay ug kamatayon sa matag magtotoo maoy usa ka grasyang desisyon sa kinalabwang-kamandoan sa Dios nga pinasikad diha sa kaalam sa Dios ug sa Iyang integridad. Busa, kita walay katungud aron pangutan-on ang kamatayon ni bisan kinsa. Ang Dios maoy absoluto nga pagkamatarong ug dili posibleng makahimo og usa ka sayup. Ang Dios maoy perpektong hustisya ug dili mahimong mapihigon. Ang omnipresent ug omniscient nga Dios maoy usa ka primera mano nga Saksi kinsa nakahibalo sa tanang mga kamatuuran aron mohukum sa hustong panahon ug hustong paagi aron motangtang sa matag usa kanato (Mga Salmo 31:15).

Diha sa Ecclesiastes 3:1-2, si Solomon nag-ingon, “Adunay usa ka hustong panahon para sa matag-butang. Adunay usa ka panahon para sa matag hitabo sa kinabuhi. Adunay panahon aron matawo ug adunay usa ka panahon aron mamatay” (gikorihian nga paghubad). Ang panimpo sa Dios maoy perpekto, ug ang kamatayon maoy sa kanunay kadaugan sa Dios. Siya ang nagbuut sa panahon, sa paagi, ug sa lugar sa atong kamatayon ug Siya naghatag ngari kanato sa kadaugan. “Kay dili lamang kon kita nagpuyo, kita nagpuyo para sa Ginoo, apan usab kon kita mamatay, kita mamatay para sa Ginoo” (Mga Taga-Roma 14:8, gikorihian nga paghubad). Kita nahisakup ngadto sa Ginoo bisan kon kita mabuhi o bisan kon kita mamatay.

Dugang pa, ang Ginoo dili magkuha sa matag magtotoo pauli diha sa parehong paagi. Si Solomon usab nagsulti kanato nga matag adlaw kita nabuhi maoy usa ka dugang lakang padulong sa atong kaugalingong piho nga matang sa kamatayon.

Kay ang tawo nag-adto sa iyang waykatapusang pinuy-anan samtang ang mga nagbangutan nag-adto diha sa karsada. *Hinumdumi Siya sa*

dili pa ang platang pisi maoy mabugto ug ang bulawanong panaksan maoy mapusgay, ang pitsel sa poso maoy madugmok ug ang ligid sa atabay maoy mapusgay. (Ecclesiastes 12:5b-6)

Dinhi sa Kapanahonan sa Simbahan sa dihang kita maoy natawo pag-usab, kita maoy natawo ngadto sa pagkaharianon, ug dili uban ang usa ka plata nga kutsara diha sa atong mga baba, apan uban sa atong mga kinabuhi nga gipabitay gikan sa usa ka 'plata nga tanud.' Bisan pa para sa hinatagag katungud nga aristokrasya, ang Dios nagdumala sa gitason sa atong mga adlaw. Ang balaknong paghulagway ni Solomon sa kamatayon nagpahinumdom kanato nga sama sa garay sa balak maoy perpekto, busa ang Dios mitugyan sa matag usa kanato og usa ka kamatayon nga naghaum kanato sa perpekto. Ang "bulawanong panaksan" diha niini nga bersikulo maoy usa ka sudlanan sa lana uban ang usa ka pabilo nga nagbira sa lana ngadto sa ibabaw diin ang usa ka kalayo naghatag og kahayag, naglarawan sa kinabuhi. Ang lana nagpaila sa mga buluhaton ug mga gahin sulud sa imong kinabuhi; ang kombinasyon sa lana, pabilo, ug kalayo nagpaila sa enerhiya sa kinabuhi. Kini nga karaang matang sa lampara maoy usa ka hulagway sa imong gidugayon sa kinabuhi; ang pagkahurut sa iyang lana maoy sosama sa imong kamatayon. Ang imong lampara mahimong mag-ugmad og usa ka hinay nga tulo o ang panaksan mahimong mabuak, apan sa bisan haing paagi, ang kalayo sa katapusan mapalong.

Aron masabtan ang katapusang duha sa mga paghulagway ni Solomon, kita kinahanglang makaamgo nga sa karaang kalibutan adunay duha ka mga problema nga makapugong kanimo gikan sa pagkuha og tubig gikan sa usa ka atabay: ang yuta nga pitsel mabangga batok sa kilid sa atabay, o usa ka mekanikal nga kapakyasan diha sa ligid sa atabay ug moton nga sistema. Ang ligid nagpaila sa tinuud nga muskulo sa kasingkasing, samtang ang linya ug pitsel naghubit sa pagliyak

sa dugo. Kining duha ka mga ilustrasyon naghulagway sa duha ka kinatibuk-ang mga kategoriya mahitungud sa kasingkasing nga kamatayon: Ang pagdugmok sa pitsel nagsugyot og pagpakgang sa usa ka dakong sudlanan nga nagguba sa gidaghanon sa dugo ug pagliyok; ang mekanikal nga kapakyasan sa ligid nagpasabut og usa ka pagkahugno diha sa kasingkasing mismo. Sa laing pagkasulti, ang nabuak nga pitsel maoy sosama ngadto sa kamatayon pinaagi sa siging pagdugo, samtang ang naguba nga ligid diha sa atabay naghulagway og kamatayon pinaagi sa paghunong sa kasingkasing.

Unya ang abog [ang lawas] magbalik ngadto sa kalibutan maingon niana, ug ang espiritu [kalag ug espiritu] magbalik ngadto sa Dios kinsa mihatag niini. (Ecclesiastes 12:7)

Sa dihang ang usa ka tawo mamatay, ang tinuud nga tawo, ang kalag, wala na nagpuyo sa lawas; kini maoy sa yano usa ka bakanteng balay. Ang wapuy-i nga lawas nagdugta ngadto sa mga kemikal ug nagbalik ngadto sa yuta o ngadto sa mga gas sa hangin (Genesis 3:19*b*). Nan, unsay mahitabo sa usa ka minatay maoy dimahinungdanon. Ang pagbaton og usa ka paghandum nga pangalagad aron mohandum sa usa ka hinigugma maoy kahibulungan, apan kini dili makahimo og kalainan bisan kon ang lawas maoy sunogon o ibilin diha sa usa ka panggubatan o ilabay sa usa ka kanal. Unsa atong gikinahanglan aron mohandum mao nga human sa kamatayon sa usa ka magtotoo, iyang kalag ug espiritu magbalik ngadto ni Ginoong Jesu-Kristo (1 Mga Taga-Tesalonica 5:23).

Bisan pa og ang Dios sa kanunay nakahibalo kanus-a ang matag usa kanato mamatay, wala kanato ang nakahibalo kanus-a ang pagkamatay maghatag og agianan ngadto sa pagkawalay-kamatayon. Ang kinabuhi nagbitay pinaagi sa usa ka manipis nga tanud nga mahimong maputol sa bisan unsang

takna. Ang atong lawasnong kondisyon maoy dili usa ka isyu; ang Dios makakuha kanato sama kasayon diha sa maayong panglawas ingon man diha sa dimaayo. Dili mao ang edad usa ka sumbanan para sa hustong panahon aron mamatay. Tungud kay ang paghukum sa Dios maoy perpekto, kini maoy mapasipad-on aron mosugyot nga ang kamatayon sa magtotoo maoy usa ka trahedya tungud kay siya namatay nga batan-on. Kini mao usab tinuud nga ang Dios usahay nagkuha sa hamtong nga Kristohanon sa kinatas-an sa iyang espirituhanong kinabuhi. Samtang kini maoy natural para niadtong nahabilin aron magbangutan, sila kinahanglang dili maguul aron isalikway ang divine nga panglantaw “sama sa gihimo sa uban nga walay paglaum” (1 Mga Taga-Tesalonica 4:13*b*), kay adunay pihong kasagarang mga sumbanan nga nagpaila sa tanang mga magtotoo human sa kamatayon waysapayan og unsaon o kanus-a sila mamatay.

1. Walay pag-atubang uban sa paghukum (Mga Taga-Roma 8:1*a*; Mga Hebreohanon 9:27-28).
2. Nawong sa nawong uban ang Ginoo (2 Mga Taga-Corinto 5:8).
3. Wala nay kaguul, kasakit, mga luha, kamatayon, mga pagbasol, o kaulaw (Pinadayag 21:4).
4. Usa ka waykatapusang kabilin (1 Pedro 1:4-5).
5. Usa ka bag-ong panimalay (Juan 14:1-6).
6. Ang pagpadayon sa waykatapusang kinabuhi (Juan 10:28; 1 Juan 5:11-12).
7. Usa ka kasamtangan ug lawas sa pagkabanhaw (Job 19:25-26; Juan 11:25; 1 Mga Taga-Corinto 15:51-57; Mga Taga-Filipos 3:21; 1 Juan 3:1-2).
8. Pagtangtang sa kinaiyang makasasala (1 Mga Taga-Corinto 1:8; 15:55-57; Mga Taga-Filipos 3:20-21; 1 Mga Taga-Tesalonica 5:23).
9. Pagtangtang sa tawhanong kamaayo ug daotan (1 Mga

Taga-Corinto 3:11-15; 2 Mga Taga-Corinto 5:10).²³

Dili imong kamatayon ni ang kamatayon sa usa ka hinigugma sa bisan kanus-a mahimo nga usa ka gigikanan sa kabalaka o pagkawalay-paglaum; ang kamatayon kinahanglang dili gayud bisan pa mahimong usa ka isyu. Ang imo lamang pakabana mao ang preparasyon para sa kamatayon, ug ang preparasyon para sa kamatayon maoy pareho ra para sa kinabuhi: doktrina sa Bibliya nga nagpuyo diha sa imong kalag. Ang doktrina naghatag kanimo og usa ka malinawong kinaiya ngadto sa tanang malagmit nga kamatayong mga sitwasyon. Sa dihang ikaw makasabut sa pagkamatay nga grasya, ang imong panghunahuna mahitungud sa kamatayon maoy sa higpit nga usa ka butang sa paggamit sa imong kahibalo sa perpektong karakter sa Dios.

Ang magtotoo makasusi sa iyang kaugalingong espirituhanong pag-asenso pinaagi sa iyang kinaiya ngadto sa kamatayon, ug ang iyang kinaiya adunay usa ka impak diha sa iyang kapasidad para sa kinabuhi. Usa sa mga yawi sa usa ka malinawong kinabuhi mao ang pagkawalay kahadlok sa kamatayon. Ang kahadlok sa kamatayon naghimo og pagkawalay-kalig-on: “Ang mga talawan mamatay sa makadaghang higayon sa dili pa ang ilang kamatayon; ang

23. Tawhanong kamaayo ug kadaotan mao ang duha ka mga aspeto sa palisiya ni Satanas isip ang magmamando niining kalibutana ug maoy unang gipresentar sa tawo, uban ang usa ka lig-ong grasyang pasidaan gikan sa Dios, diha sa porma sa kahoy sa kahibalo sa maayo ug daotan nga nahimutang taliwala sa Hardin. Ang tanang tawhanong kamaayo maoy gihimo diha sa gahum sa “unud”; kana mao, kini naggumikan sa kinaiyang makasasala. Busa, ang tawhanong kamaayo dili makaabot sa mga sukaranan sa Dios, walay espirituhanon o waykatapusang bili, ug maoy dili pagagantihan sa langit (1 Mga Taga-Corinto 3:11-15). Gipaluyohan pinaagi ni Satanas, ang tawhanong-kamaayo nagsulay aron matabonan ang yawan-ong kalibutan og sa dikalikayan adunay daotang mga sangputanan. Busa, ang tawhaong kamaayo dili gayud makatuman sa unsa iyang gipangita aron matuman, dili gayud magpauswag sa bisan unsa, ug walay permanenteng mga kasulbaran para sa mga problema sa katawhan (Deuteronomio 15:11; cf. Mateo 26:11; Markos 14:7; Juan 12:8). Tan-awa sa Thieme, *The Barrier*, 20-21; *The Plan of God*, 11-12.

maisog dili gayud makatilaw sa kamatayon apan sa makausa.”²⁴ Ang hamtong nga magtotoo nagpuyo sa iyang kinabuhi diha sa kahayag sa eternidad, usa ka adlaw sa kada higayon, hingpit nga napahiuyon ngadto sa persona ug plano sa Dios, andam ug matinguhaon para sa bisan unsa nga matanyag sa kinabuhi (Mga Salmo 118:23-24).

Unsa imong buhaton diha sa pagkamatay nagpakita sa kusog sa imong kinabuhi. Kon ikaw naggugol sa imong tibuuk-kinabuhi nga nagtigum og doktrina ug nag-abante ngadto sa espirituhanong pagkahamtong, ikaw makabaton og usa ka mahimayaong kamatayon. Apan, kon ikaw nagsalikway ug nagbaliwala sa doktrina sa Bibliya, ang Dios diha sa iyang hustisya nagtugot sa imong kaugalingong-gimugna nga miserableng kinabuhi sa pagpadayag sa iyang-kaugalingon diha sa usa ka makalilisang nga kamatayon. Busa, tungud kay ang Dios nakakita nga sibo aron mohimo sa pagkamatay nga nagpadayag sa pagkabuhi, ang imong kinaiya ngadto sa kamatayon nagsulay sa kalidad sa imong kinaiya ngadto sa kinabuhi.

MATAG MAGTOTOO ADUNAY USA KA KAPILIAN

Unsa kamaayo ikaw mamatay o unsa ka miserable ikaw mamatay sa yanong nag-agad diha sa usa ka hinungdan: bisan kon ikaw maoy positibo o negatibo ngadto sa doktrina sa Bibliya. Maingon nga ikaw adunay usa ka kapilian bisan kon o dili aron motoo diha ni Jesu-Kristo para sa imong waykatapusang kaluwasan, busa ang hustisya sa Dios nagsugod og laing isyu diha sa anghelanong away para sa imong gawasnong kabubuton. Diha sa kaluwasan, ang hingtungdan sa imong wala-ang-merito nga pagtoo mao si Jesu-Kristo, ang buhing Pulong;

24. Shakespeare, *Julius Caesar*, gula 2, esena 2, mga laray 32-33.

human sa kaluwasan, ang hingtungdan sa imong pagtoo kinahanglang mahimong si Jesu-Kristo, ang sinulat nga Pulong.

Ikaw adunay usa ka kapilian tali sa duha ka nagsukwahing mga dalan diha sa imong Kristohanong kinabuhi. Ang imong kinaiya ngadto sa doktrina matag adlaw sa imong kinabuhi nagbuut sa pagtunglo o panalangin diha sa kinabuhi ug panghingutas o katagbawan diha sa pagkamatay. Kon ikaw magpahiyon ngadto sa hustisya sa Dios pinaagi sa pagkat-on ug paggamit sa grasyang probisyon sa Iyang Pulong, nan ikaw makabyahe sa himayang dalan ngadto sa pagkamatay nga grasya. Apan kon ikaw mapakyas sa pagpahiyon ngadto sa hustisya sa Dios pinaagi sa pagbaliwala o pagsalikway sa Iyang Pulong, nan ikaw mapandol paingon sa ubus sa dalan sa pagtunglo, disiplina, ug kaugalingong-gimugna nga kagulangan og nagresulta diha sa sala ngadto sa kamatayon.²⁵ Ikaw ug ikaw lamang ang nagpili niining masakit nga alternatibo ngadto sa mga himaya sa pagkamatay nga grasya. Ikaw mao mismo kinsa nag-ingon “dili” ngadto sa paglatas sa taas nga bulawanong tulay sa pagkamatay nga grasya ug “oo” sa usa ka makalolooy, miserableng pagkamang paingon sa langit.

Kamatayon sa Rebersiyonistang Magtotoo

Isip usa ka magtotoo diha ni Ginoong Jesu-Kristo, kon ikaw maoy negatibo ngadto sa Pulong sa Dios, bisan kon waypagbati lamang o sa dayag nga masupakon, ikaw maoy anaa sa usa ka ang-ang sa rebersiyonismo. Sa pagtandi ngadto sa pagbiya sa tinoohan, rebersiyonismo mao ang pag-atras sa magtotoo gikan sa bisan unsang ang-ang sa espirituhanong pagtubo ngadto sa *modus vivendi* sa dimagtotoo (2 Pedro 2:20-21).²⁶ Diha sa rebersiyonismo, gipaila pinaagi sa wayhunong nga karnalidad

25. Tan-awa sa mga panid 22-23.

26. Thieme, *Reversionism*.

ug usa ka way-undang nga pagbaliwala o pagsalikway sa doktrina sa Bibliya, ikaw naghimo para sa imong-kaugalingon og usa ka kinabuhi sa kagul-anan (Hosea 8:7).²⁷ Kini nga kaugalingong-gimugna nga kagul-anan mao unyay tingubon pinaagi sa divine nga disiplina. Ikaw dugang pa nagpasamut sa imong disiplina uban ang labaw pa nga kaugalingong-gimugna nga kagul-anan pinaagi sa panghunahuna nga mga sala sa kapait, pagkatalamayon, pagkamapahimaslon, pagkadimapuypuy, pangabubho, kalooy-sa-kaugalingon, ug pagkaarogante. Hangtod nga ikaw mag-usab sa imong hunahuna mahitungud sa doktrina sa Bibliya ug magsugod sa pagbawi sa imong espirituhanong pagtubo, ikaw magpabilin ubus sa divine nga disiplina sulud sa tibuuk nimong kinabuhi.

Walay magtotoo ang makalapas sa matarong nga mga sukaranan sa Dios o magsalikway sa Iyang matahum nga pagsangkap sa doktrina sa Bibliya uban ang kalingkawasan sa kadaot. Ang Dios naghigugma sa Iyang integridad ug ang Iyang matarong nga mga sukaranan nagbungat nga ang Iyang hustisya nagpahamtang og silot. Dugang pa, ang matag magtotoo mao ang hingtungdan sa personal nga gugma sa Dios. “Kadtong kang kinsa Ako nahigugma, Ako nagbadlong ug nagdisiplina; pagmainiton tungud niana, ug paghinulsul [pag-usab sa imong panghunahuna ug rebound]” (Pinadayag 3:19). Ang divine nga disiplina mao ang suma total sa masilutong lihok nga gigamit pinaagi sa hustisya sa Dios aron motul-id, mosilot, modasig, mobansay, ug mopagana sa magtotoo. Ang divine nga disiplina maoy gidisenyo aron mopasidaan sa magtotoo sa pagrebound ug sa pagbalik ngadto sa fellowship uban sa Dios.

Ang divine nga disiplina maoy gipaila pinaagi sa tulo ka mga ang-ang. “Paminaw, Ako nagbarog diha sa pultahan ug nagtuktuk. Kon si bisan kinsang tawo ang mag-abli Ako magsulud ug makigfellowship uban kaniya” (Pinadayag

27. Ang wayhunong nga karnalidad mao ang resulta sa kapakyasan sa magtotoo aron mosugid sa Iyang mga sala ug mobawi sa fellowship uban sa Dios.

3:20, gikorihian nga paghubad) maoy gitumong ngadto sa rebersiyonistang magtotoo. Pagtuktuk mao ang pasidaang disiplina, ang unang ang-ang. Pagpakig “fellowship uban kaniya” wala nagpunting sa kaluwasan, apan ngadto sa mao gihapong kahimtanga sa espirituhanong kinabuhi sa magtotoo. Kon ang rebersiyonistang magtotoo dili magtubag ngadto sa pasidaang disiplina, siya unya mag-abut ubus sa makapakusog nga disiplina, ang ikaduhang ang-ang. “Kang kinsa ang Ginoo naghigugma, Siya naglatos ug nagpanit nga buhi uban ang usa ka latigo sa matag anak kang kinsa Siya nagdawat” (Mga Hebreohanon 12:6, gikorihian nga paghubad). Ang gipakusgang disiplina maoy gidisenyo sa pagkuha sa pagtagad sa rebersiyonista aron nga siya tingali maglikay sa unsa maoy gitawag diha sa 1 Juan 5:16, “ang sala nawong sa nawong uban ang kamatayon” (gikorihian nga paghubad sa *pros thanatos*)—ang katapusang ang-ang sa silot gikan sa Dios.

ANG SALA NGADTO SA KAMATAYON

Adunay usa ka sala ngadto sa kamatayon. (1 Juan 5:16b, KJV)

Ang “sala ngadto sa kamatayon” o sa literal “ang sala nawong sa nawong uban ang kamatayon” (Mga Salmo 118:17-18) maoy dili hinungdan ang pinaagi sa bisan unsang pihong sala, apan pinaagi sa way-undang nga pagsalikway sa magtotoo sa doktrina sa Bibliya.

Ug ang GINOO miingon, “Tungud kay sila mibiya sa Akong balaod [doktrina sa Bibliya] nga Ako nagbutang atubangan kanila, ug wala misunud sa Akong tingog ni milakaw sumala niini [doktrina], apan milakaw sunud sa pagkatig-a sa ilang kasingkasing.” (Jeremiah 9:13-14a)

Ang Dios makapahamtang sa sala ngadto sa kamatayon isip ang usa ka estriktong personal nga katalagman o ang lain isip kabahin sa usa ka nasudnong kalamidad. Apan bisan hain sa duha, ang sala ngadto sa kamatayon maoy usa ka pagpakunhod ug usa ka kaulawan para sa magtotoo diha ni Ginoong Jesu-Kristo.

Busa si Saul namatay para sa iyang kalapasan nga siya mibuhat batok sa GINOO, tungud sa pulong sa GINOO nga siya wala maghimo; ug usab tungud kay siya nangayo og tambag sa usa ka medyum, naghimo og pagpangutana *niini*, ug wala nangutana sa GINOO [napulog-unum ka katuigan sa negatibong kabubut-on]. Busa Siya mipatay kaniya, ug mihatag sa ginharian ngadto ni David ang anak ni Jesse. (1 Cronicas 10:13-14)

Walay kasakit o disiplina sa eternidad (Pinadayag 21:4). Ang sala ngadto sa kamatayon mao ang katapusang kahigayonan sa Dios aron mopahayag sa kinadak-ang makatul-id nga disiplina ngadto sa rebersiyonistang magtotoo. Siya naglabang sa pagkamatay nga proseso nga walay mga bintaha sa pagkamatay nga grasya tungud kay siya wala gayud makabawi sa fellowship uban sa Dios pinaagi sa rebound ug wala mag-usab sa iyang kinaiya ngadto sa doktrina sa Bibliya.

Kon walay kinahiladmang kusog sa doktrina sa Bibliya diha sa iyang kalag, ang rebersiyonista walay kapasidad para sa mga panalangin sa pagkamatay nga grasya. Siya mahadlok sa kamatayon. Siya naglabang sa pagkamatay nga bahin diha sa labing daotan nga posibleng pagkadimakatarunganon ug kasakit. Ang iyang kamatayon maoy miserable, makalilisang, makahahadlok diha sa matag posibleng paagi: usa ka makalilisang nga damgo sa lawasnong kasakit ug kalagnong pagsakit. Ang iyang lawas nagsakit; iyang kalag naghingutas

samtang siya nakaamgo sa unsang paagiha siya napakyas.

Bisan pa, ang rebersiyonista maoy gitangtang gikan niining kinabuhia uban ang iyang kaluwasan nga wamaunsa. Siya gihapon adunay katloag-siyam ka dimabakwi nga mga absoluto, nga naglakip sa pagkahiusa uban ang persona ni Jesu-Kristo ug naghuput sa waykatapusang kinabuhi ug giimpyut nga pagkamatarong.²⁸ Sa takna nga ang rebersiyonistang magtotoo mamatay, siya maoy “wala diha sa lawas ug anaa sa panimalay nawong sa nawong uban ang Ginoo” (2 Mga Taga-Corinto 5:8, gikorihian nga paghubad). Siya maoy “diha sa usa ka lugar nga wala nay kaguul, wala nay mga luha, wala nay kasakit, wala nay kamatayon; ang karaang mga butang nangagi na” (Pinadayag 21:4, gikorihian nga paghubad). Sa Pagsakgaw sa Simbahan, siya makadawat og usa ka lawas sa pagkabanhaw, apan siya dili makadawat sa iyang waykatapusang mga panalangin ug mga ganti para sa bahin tres. Ang iyang waykatapusang mga panalangin magpabilin nga deposito sa kahangturan isip usa ka handumanan sa nawagtang nga kahigayonan sa pag-abante diha sa plano sa Dios (Mga Hebreohanon 10:35-36). Sa bisan unsang oras didto sa eternidad, siya makaadto sa ‘Balay-tigumanan sa mga Talaan’ ug makita kadtong mga ganti ug mga panalangin nga ang Dios midisenyo sa pihong para kaniya diha sa milabay nga eternidad.

28. Sa takna sa kaluwasan ang matag magtotoo nagdawat sa impyutasyon sa waykatapusang kinabuhi (Juan 3:15; 10:28; 20:31; 1 Juan 5:11-12) ug ang impyutasyon sa divine nga pagkamatarong (Mga Taga-Roma 3:22; 1 Mga Taga-Corinto 1:30; 2 Mga Taga-Corinto 5:21; Mga Taga-Filipos 3:9) nga naghimo kaniyang madawat ngadto sa Dios ug sarang nga mopuyo uban Kaniya sa kahangturan. Tanang divine nga mga impyutasyon maoy permanente ug dili mahimong mawagtang pinaagi sa bisan unsang sala o kapakyasan sa magtotoo. Usab diha sa kaluwasan, ang matag Kapanahonan sa Simbahan nga magtotoo maoy gisulud ngadto sa paghiusa uban ni Kristo ug nailhan uban Kaniya diha sa Iyang kamatayon, paglubong, ug pagkabanhaw (Mga Taga-Roma 6:2, 8; 1 Mga Taga-Tesalonica 5:23). Kini nga paghiusa maoy personal ug waykatapusan ug nagtubus sa matag magtotoo gikan sa gahum ni Satanas, sala, ug kamatayon (Mga Taga-Roma 6:11; Mga Taga-Efeso 6:11). Tan-awa sa Thieme, *The Plan of God*, Pakapin sa Basahon.

ANG PAGHIKOG SA USA KA MAGTOTOO

Usahay ang rebersiyonistang magtotoo maoy nalingkawas kaayo sa ilusyon diha sa iyang kaugalingong-gimugna nga kagul-anan ug disiplina nga siya naghunahuna nga ang pagbuhat og paghikog maoy usa ka solusyon sa iyang mga problema. Kini, natural, maoy hingpit nga pagkaarogante ug usa ka nagpadayong pagpakita sa iyang pagsalikway sa doktrina sa Bibliya. Samtang ang paghikog mahimong mopakita nga naglikay sa kinalabwang-kamandoan sa Dios diha sa pagbuut sa oras, paagi, ug lugar sa kamatayon, ang matag kamatayon sa magtotoo maoy nahibaloan sa Dios gikan sa milabay nga eternidad. Hangtod ang Dios nagbuut nga kini mao ang oras para sa magtotoo aron mouli sa panimalay, *walay* makatangtang kaniya gikan niining kinabuhia. Kini mao ngano ang mga pagsulay og paghikog maoy sa kasagaran dimalampuson; kadto nga milampos nagbuhat sa ingon ubus sa matugutong kabubut-on sa Dios.²⁹

Ang pipila nag-ingon nga sa dihang ang usa ka magtotoo nagbuhat og paghikog, siya dili makaadto sa langit. Kana maoy absolutong masupakong pagtoo! Si bisan kinsa nga mitoo diha ni Jesu-Kristo, walay sapayan sa unsang paagiha siya mamatay, maoy makaadto sa langit. Walay sala nga ang magtotoo makabuhat, bisan pa paghikog, nga makawagtang sa buhat ni Kristo para kaniya didto sa krus.

29. Diha sa tawhanong kasaysayan, ang kinalabwang-kamandoan sa Dios ug ang gawasong kabubut-on sa tawo dungang-anaa pinaagi sa divine nga sugo. Ang Dios dili gayud magpugus sa tawhanong kabubut-on. Diha sa pagtagad uban ang katawhan, ang kinalabwang-kamandoang kabubut-on maoy gibahin ngadto sa tulo ka mga kategoriya: ang direktibang kabubut-on o mga pagtinguha sa Dios, nga naglakip sa iyang mga sugo ug mga pagdili; ang matugutong kabubut-on, nga nagpasabut nga ang Dios nagtugot sa tawo sa paghimo sa mga desisyon bisan pa niana sila maoy wala mahiuyon uban sa iyang pagtinguha; ug ang mapatigbabawong kabubut-on sa Dios nga diin si Jesu-Kristo nagkontrolar sa kasaysayan aron mopakyas sa satanasnong mga istrategiya ug moabante sa iyang plano. Tan-awa sa Thieme, *Divine Guidance* (1999), 16-18.

Kay ako nadani nga walay kamatayon, ni kinabuhi, ni mga anghel, ni pundok sa mga anghel, ni mga gahum, ni gitag-on, ni giladmon, ni bisan unsa nga laing binuhat ang makahimo sa pagbulag kanato gikan sa gugma sa Dios nga maoy anaa diha ni Kristo Jesus, atong Ginoo. (Mga Taga-Roma 8:38-39, gikorihian nga paghubad)

Sa higayon ang usa ka tawo mitoo diha ni Ginoong Jesu-Kristo, ang karakter sa Dios nagsiguro sa iyang waykatapusang kaluwasan (Juan 10:28). Diha sa punto sa kamatayon, ang magtotoo kinsa mibuhat og paghikog nag-adto sa langit maingon kadali sa hamtong nga magtotoo nga nag-adto sa langit. Siya, usab, maoy “wadiha gikan sa lawas, diha sa panimalay nawong sa nawong uban ang Ginoo” (2 Mga Taga-Corinto 5:8, gikorihian nga paghubad) “diha sa usa ka lugar nga wala nay kaguul, wala nay mga luha, wala nay kasakit, wala nay kamatayon; ang karaang mga butang nahanaw na” (Pinadayag 21:4, gikorihian nga paghubad).

Kamatayon sa Hamtong nga Magtotoo

Maingon nga ang hamtong nga magtotoo milihok diha sa iyang kinabuhi ubus sa grasyang pagsangkap sa Dios, busa siya naglabang sa iyang pagkamatay nga bahin ubus sa pagkamatay nga grasya. Dili lamang siya adunay kinahiladmang kusog gikan sa Pulong sa Dios, ang panghunahuna ni Kristo diha sa iyang kalag (1 Mga Taga-Corinto 2:16), siya nakahibalo nga ang Ginoo maoy uban kaniya (Mga Salmo 23:4a). Siya modala sa doktrina nga siya nakakat-on diha sa bahin dos uban kaniya ngadto sa bahin tres. Ang parehong doktrina sa Bibliya nga midala kaniya og kalipay, kalinaw, ug katagbawan diha sa panahon maoy gipakusog diha sa pagkamatay. Ang punto sa pagkamatay maoy iyang hilabihang katahum nga takna; bisan

pa ang piniling mga anghel didto sa langit magsadya diha sa paagi sa iyang pagbiya.³⁰ Ang pagkamatay nga testimonya sa hamtong nga magtotoo mao ang kinadakoan sa tanang mga testimonya; sa paghimaya sa Dios diha sa pagkamatay mao ang katapusang paghimaya sa Ginoo.

BIBLIYANHONG MGA BAYANI UG PAGKAMATAY NGA GRASYA

Karaang Testamentong Mga Magtotoo

Bisan pa og sila nangamatay diha sa lainlaing mga paagi, tanan sa Karaang Testamentong mga bayani nga gihisgotan diha sa Mga Hebreohanon 11 nangamatay ubus sa pagkamatay nga grasya (Mga Hebreohanon 11:13a). Ingon sa natala diha sa Karaang Testamento, tanan niining mga magtotoo napakyas sa usa ka higayon o sa lain, apan sila wala gayud nagtugot sa ilang mga kapakyasan nga magpugong kanila. Kini mao ang prinsipyo sa pagdasig: Samtang ikaw buhi pa adunay paglaum! Walay magtotoo sa bisan kanus-a ang miabut sa punto sa labing-daghang kapakyasan nga walay adlaw-adlaw nga mga kahigayonan sa pag-usab sa iyang hunahuna mahitungud sa doktrina sa Bibliya, aron maminaw sa pagpanudlo sa Bibliya, ug aron moabante ngadto sa espirituhanong pagkahamtong. Pag-angkon sa pagkamatay nga grasya ug pagdawat sa waykatapusang mga panalangin ug mga ganti maoy nag-agad diha sa imong nagapadayong espirituhanong pag-abante.

Busa, tungud kay kita adunay dako-kaayo nga bantugang usa ka panganod sa mga saksi

30. Piniling mga anghel mao kadtong mga anghel kinsa mipili para sa Dios diha sa una-sa-kasaysayang anghelanong away. Tan-awa sa Thieme, *Anti-Semitism* (2003), 101-4.

[Karaang Testamentong mga bayani] nga nagpalibot kanato, atong ipadaplin usab ang matag kabilinggan [mga palinga sa pagkat-on sa doktrina sa Bibliya], ug ang sala nga sa labing kasayon naggapos kanato, ug atong daganon uban ang pagkamalahutayon [nagapadayon nga kalihukan sa GAP] ang lumba nga gipahimutang ngari kanato [espirituhanong kinabuhi]. (Mga Hebreohanon 12:1)

Si Abraham maoy usa ka pananglitan sa usa ka Karaang Testamento nga magtotoo kinsa nakasinati og pagkamatay nga grasya. Si Abraham nakaabut sa katapusan diha sa espirituhanong pagkahamtong pinaagi sa doktrina nga nagpuyo diha sa iyang kalag busa nga siya milabang niadtong hataas nga bulawanong taytayan sa pagkamatay nga grasya sa pagdawat sa iyang waykatapusang mga panalangin. Ang mga sumbanan sa iyang kamatayon mao ang panig-ingnan nga hulagway sa pagkamatay nga grasya.

Ug si Abraham miginhawa sa iyang katapusan ug namatay diha sa usa ka hustong pangidaron [usa ka bantugang tawo sa integridad], usa ka tigulang nga tawo ug natagbaw *diha sa kinabuhi*; ug siya maoy gitapuk-an sa iyang katawhan. (Genesis 25:8)

Si Abraham mihingos, mibuga, ug namatay. Ang iyang kalag ug espiritu milahutay diha sa iyang katapusang pagbuga, ug siya namatay nga walay kasakit, walay kapaitan, walay mga pagmahay—sa hingpit “natagbaw *diha sa kinabuhi*.”

Para sa hamtong nga magtotoo, walay masulub-on nga kamatayon, walay sapayan unsa ka mura og dipanahon o unsa ka mabangis ang mga hitabo. Bisan pa para sa usa ka biktima sa pagpatay, ang pagkamatay nga grasya magamit sa gihapon.

Pananglitan, si Abel maoy gipatay sa iyang igsoon nga si Cain, apan siya adunay usa ka kahibulungang kinabuhi nga gipuyan uban sa Ginoo hangtod niadtong katapusang takna. Sa pagkatinuud, ang iyang kamatayon mipatin-aw sa gahum sa doktrina nga anaa diha sa iyang kinabuhi.

Pinaagi sa pagtoo [doktrina nga nagpuyo diha sa kalag] si Abel mihatag ngadto sa Dios og usa ka mas maayong sakripisyo kay sa ni Cain, pinaagi nga siya nakaangkon og testimonya [nakadawat og pag-uyon] nga siya maoy matarong, ang Dios nagsaksi mahitungud sa iyang mga gasa, ug pinaagi sa pagtoo [kini nga parehong doktrina nga nagpuyo diha sa kalag], bisan siya maoy namatay, siya sa gihapon nagsulti [masaysayong impak diha sa umaabot nga mga henerasyon]. (Mga Hebreohanon 11:4)

Daghan sa Karaang Testamentong mga bayani ang midasig kanato uban ang parehong testimonya.

Sila maoy gibato, sila maoy gigabas diha sa duha, sila maoy gitintal [gisulayan pinaagi sa mga kalisud], sila maoy gipamatay uban ang espada. (Mga Hebreohanon 11:37a)

Bisan pa niana si Isaiah maoy gitunga sa duha ug si Zechariah maoy gibato ngadto sa kamatayon (2 Cronicas 24:20; Mateo 23:34-35), kini nga katawhan adunay daghang panalangin ug kalipay diha sa pagbalhin gikan sa panahon ngadto sa eternidad kay sa ilang tibuuk kinabuhi nga mga panalangin. Ngano man? Tungud kay ang Dios misugo sa paagi sa ilang mga kamatayon ug ang Iyang perpektong hustisya misiguro sa pagsangkap ug panalangin para sa ilang mga kamatayon. Ang ilang pagsalig diha sa Gigikanan sa pagkamatay nga panalangin ug kahibalo

sa iyang pagsangkap pinaagi sa doktrina mipuli sa tanang kahadlok sa kamatayon aron nga sila maoy mapuy-an uban ni Kristo ug adunay labing-dakong kapasidad para sa parehong kinabuhi ug pagkamatay nga grasya.

Ang Apostol Pablo

Wanaglakip ni Ginoong Jesu-Kristo, kinsa maoy perpekto ug talagsaon, si Apostol Pablo mao ang hilabihang bantugan nga tawo kinsa sa bisan kanus-a nabuhi. Ang iyang dikasagarang gilapdon sa panghunahuna ug iyang pagsabut sa mas halawum nga mga konsepto sa doktrina maoy gipadayag diha sa Mga Epistola ni Pablo. Ang 2 Timoteo maoy dakong mahinungdanon sa atong hilisgutan, pagkamatay nga grasya, tungud kay kini nga epistola nagsulud sa divine nga dinasig, pagkamatay nga mga pulong sa usa sa labing manggialamon nga mga hunahuna ug ang labing sa espirituhanong hamtong nga magtotoo sa tibuuk kasaysayan.

Si Pablo misulat sa 2 Timoteo atol sa iyang ikaduhang pagkapriso. Sumala sa 2 Timoteo 2:9, si Pablo maoy gihukman sa wala pa ang iyang husay ug kini maoy usa ka nag-unang konklusyon nga siya dili na buhian. Samtang si Pablo milingkod aron mosulat, siya nakahibalo nga siya sa dili madugay pagapatyon. Bisan pa niana nga si Pablo nahiagum og dimaayong panglawas kadaghanan sa iyang kinabuhi, siya mao karon nagtagamtam og sa arang-arang nga maayong panglawas samtang siya mipadulong sa takna sa iyang kamatayon. Ang iyang pagbiya mahimong kalit ug bangis; sumala sa tradisyon, sa usa ka hapak og atsa sa liktor siya maput-lan og ulo diha sa Ostian Way.

Apan ang panghunahuna ni Pablo paingon ngadto sa iyang silot sa kamatayon mipadayag sa pagkamatay nga grasya. Sa pagkatinuud, duha ka mga tuig sa wala pa ang iyang kamatayon, siya mipasabut niini nga panglantaw sa kamatayon

ngadto sa mga Taga-Filipos.

Sumala sa akong tininuud nga gilauman [hilabihang konsentrasyon diha sa doktrina] ug paglaum [pagsalig], nga ako dili mabutang ngadto sa kaulawan diha sa bisan unsa, apan *niana* uban sa tanang kamapangahason [integridad sa espirituhanong pagkahamtong], si Kristo bisan pa karon, sa kanunay, mahimaya diha sa akong lawas, bisan kon pinaagi sa kinabuhi [nagpadayong espirituhanong pag-abante] o pinaagi sa kamatayon [pagkamatay nga grasya]. Kay para kanako, sa pagpuyo mao si Kristo, ug sa pagkamatay maoy ganansiya [mapuslanon ug maganansiyahon]. (Mga Taga-Filipos 1:20-21)

Bisan si Pablo adunay dako-kaayong mga kapakyasan sa kinabuhi, siya mibawi, mipadayon sa doktrina, ug mikuput ug migunit sa taas nga patag sa espirituhanong pagkahamtong. Ang iyang pagkamatay nga mga takna maoy gawasnon gikan sa mga pagmahay (2 Timoteo 4:7). Siya maoy dili lamang andam para sa kamatayon, apan siya maoy naglantaw sa unahan sa iyang pagkamatay nga takna, nakahibalo nga kini ang kinalipayang kasinatian sa iyang kinabuhi. Siya maglabang gikan sa kinabuhi pinaagi sa kamatayon ngadto sa eternidad aron moatubang uban sa Ginoo.

Kay ako nahuman nang gibubu isip usa ka ilimnong paghalad, ug ang oras sa akong pagbiya miabut na. (2 Timoteo 4:6)

Usa ka “ilimnong paghalad” nagpunting ngadto sa naandan niadto sa karaang kalibutan sa pagbubu og hamiling bino sa usa ka kopa isip usa ka paghalad ngadto sa heathen nga mga diosdios. Niini nga katangdian, ang kalag ni Pablo ibubu sama

ingon kasayon sa bino nga maoy “ibubu” sa usa ka kopa. Ang Griyegong pulong nga gigamit para sa “pagbiya,” (*analusis*), adunay lima ka managlahing mga kahulugan, nga hain ang tanan may kalabutan sa prinsipyo sa pagkamatay.

Ang kasundalohan nga paggamit sa *analusis* nagkahulugan og “aron mohapak og usa ka tolda ug pagguba og kampo.” Diha sa katangdian, ang tolda ni Pablo mao ang iyang tawhanong lawas, ug diha sa kamatayon ang iyang kalag mobiya sa kampo sa kinabuhi ug mobalhin ngadto sa iyang waykatapusang mansiyon sa langit. Ang kasundalohan sa pangdagat nga paggamit nagkahulugan og “aron mopasaka sa angkla samtang ang usa ka barko naglayag.” Si Pablo nakahibalo nga siya sa dimadugay magsaka sa angkla ug mobiya sa pantalan sa kinabuhi aron maglayag ngadto sa pantalan sa langit. Ang pang-agrikulturang kahulugan nagpunting sa usa ka mag-uuma nga nagtangtang sa yugo sa iyang mga toro human sila hagong nagtrabaho sa tibuuk adlaw ug paghatag og silonganan, lawog, ug tingali bisan pa usa ka hapuhap sa pagganti sa iyang mga mananap ug paghimo kanila nga hayahay. Sa ingon usab, si Pablo maoy gitangtangan og yugo; ang mga kahago sa iyang kinabuhi maoy nakompleto ug ang bantugang Apostol maoy padulong na aron mosulud ngadto sa mga panalangin ug mga ganti sa eternidad. Ang laing paggamit sa *analusis* nagpunting sa usa ka piniriso nga pagabuhian gikan sa prisohan. Si Pablo maoy gibuhian pinaagi sa kamatayon gikan sa pagkatanggong sa panahon ug kinabuhi dinhi niining kalibutana aron mosulud ngadto sa kagawasan ug kahimayaan sa eternidad. Ang katapusang kahulugan sa *analusis* maoy gigamit diha sa kahimtang sa pagbadbad og usa ka misteryo o pagsulbad og usa ka pilosopiyanhong problema. Ang kamatayon nagbadbad sa misteryo sa eternidad ug ang pagkamatay nga grasya nagsulbad sa tanang mga problema sa kinabuhi.

Ang pagkahibalo ni Pablo sa nagkaduul nga kamatayon wala makababag sa iyang kasadya sa kinabuhi. Bisan pa niana nga hinukman, siya maoy wala maguul o maglagot, mapahimaslon o

mapait. Sa kasukwahian, siya maoy sa hingpit nga malinawon. Ang mga kapasidad ni Pablo para sa gugma, para sa kalipay, para sa panalangin, ug para sa kinabuhi mipadayon nga wamokunhod diha sa kahimtang sa pagkamatay. Kini maoy usa ka importanteng prinsipyo sa doktrina: Ang kahibalo sa nagkaduul nga kamatayon dili makapugong sa kapasidad sa hamtong nga magtotoo para sa kinabuhi.

Kon ikaw moanhi dad-a ang kupo nga akong gibilin ug Troas uban sa Carpus, ug ang mga libro, ilabi na ang mga manuskrito [Karaang Testamentong mga Kasulatan]. (2 Timoteo 4:13)

Uban ang waypagduhaduha nga kapasidad para sa kinabuhi, si Pablo mipuyo diha sa kinamaayohan nga posibleng kahayahay bisan pa sa kahugaw sa Mamertine nga prisohan. Ang bug-at nga kupo nga gidala ni Timoteo aron mopainit sa iyang lawas maoy usa ka pagsangkap para sa iyang kahayahay ug sa pagkamatay nga grasya. Si Pablo mao usab gibisita og makadaghan sa mga higala ug mga hinigugma, ug maoy gilibutan sa iyang paboritong mga libro. Siya mibasa ug mitoon sa mga manuskrito sa Bibliya hangtod sa adlaw sa iyang silot sa kamatayon. Para sa hamtong nga magtotoo, ang kinabuhi ug tanan niyang mga panalangin nagpadayon sa unahan atol sa proseso sa pagkamatay. Si Pablo wala mag-usab sa iyang naandan. Siya wala magtagad sa kalooy-sa-kaugalingon. Bisana ang gibuhay ni Pablo sa kinabuhi, siya mipadayon sa paghimo hangtod sa iyang pagkamatay nga takna, usa ka matahum nga hulagway sa pagkamatay nga grasya.

KAPASIDAD PARA SA PANALANGIN

Ang grasyang plano sa Dios para kanimo mao sa pag-abante lakang sa lakang pasaka sa himaya nga dalan gikan sa

kaluwasan ngadto sa eternidad pinaagi sa panalangin human sa panalangin. Diha sa Mga Salmo 23, si David mihulagway sa Iyang plano.

Ang GINOO mao ang akong magbalantay,
Ako wala magkulang.
Siya naghimo kanako sa paghigda diha sa berde
nga mga sibsibanan;
Siya nagtultul kanako kilid sa mahilum nga
katubigan.
Siya nagpauli sa akong kalag;
Siya naggiya kanako diha sa mga agianan sa
pagkamatarong
Para sa Iyang kaugalingong katuyoan. (Mga
Salmo 23:1-3)

Bisan pa sa pagsulud diha sa himaya nga dalan ug ang kinabuhi sa panalangin, ikaw kinahanglan unang magtoo diha ni Kristo isip imong Manluluwas. Ang Ginoo mao ang Magbalantay kinsa mihatag sa Iyang kinabuhi para sa mga karnero. “Ako wala magkulang” nagpunting ngadto sa lohistika nga grasyang panalangin sa Dios—matag-butang nga gikinahanglan aron mopabilin kanimo nga buhi sa lawasnon (Mga Salmo 68:19-20) ug aron mopatubo sa espirituhanon (Mateo 4:4). Ang sa lohistika nga pagsangkap sa Dios naglakip og sukaranong pagsuporta sa kinabuhi (Mateo 6:11; 25-34) ug panalipud sa yawan-ong kalibutan (Mga Hebreohanon 1:14). “Siya naghimo kanako sa paghigda diha sa berde nga mga sibsibanan” nagpunting ngadto sa pagsangkap sa Dios para sa imong panabut sa doktrina sa Bibliya: usa ka hustong pastor-magtutudlo aron sa makugihong pagtoon ug sa matinuurong pagsangyaw sa dimasayup nga Pulong sa Dios, usa ka lokal nga simbahan isip usa ka klasehan, ang kanon sa Kasulatan, ang praybasi sa imong harianong pagkapari, ang ministeryo sa Balaang Espiritu, ug ang kalihukan sa imong tawhanong

espiritu.³¹ “Siya nagtultul kanako kilid sa mahilum nga katubigan” mao ang palagsik, ang kalipay ug kalinaw sa kalag, nga nag-abut isip usa ka resulta sa paggamit sa doktrina diha sa imong kalag ngadto sa mga panghitabo sa kinabuhi. Sa dihang ikaw makasala ug mapakyas, ang pagsangkap sa Dios sa rebound mao ang paagi sa pagbawi og fellowship uban Kaniya; “Siya nagpauli sa akong kalag.”

Sa dihang ikaw nagpahimulus niining mga pagsangkap, ikaw sa katapusan makabuak sa pagkahamtong nga babag diin ikaw maghimaya ug makapahimuut sa Dios. Siya mao unya gawasnon aron mopanalangin kanimo diha sa lima ka lainlaing mga kahimtang: espirituhanong mga panalangin nga naglakip og pagpuyo uban ni Kristo, pag-ambit sa perpektong kalipay sa Dios, ug kapasidad para sa kinabuhi, gugma, ug panalangin; temporaryong mga panalangin nga maglakip og promosyon, mga bahandi, sosyal ug sa seksong kabulahan, kusog sa pagpangulo; panalangin pinaagi sa pakig-uban ngadto kanila sa imong palibut—pamilya, negosyo, simbahan, katilingban, nasud; makasaysayanong panalangin ngadto sa pareho nga imong henerasyon ug sa umaabot nga mga henerasyon tungud sa imong espirituhanong impak; ug pagkamatay nga mga panalangin.

Diha sa pamulong “mga agianan sa pagkamatarong,” ang pulong para sa mga agianan mao ang daghanan sa Hebreyo nga pulong, (*ma’gal*), nagkahulugan og “usa ka inagian sa ligid nga ang mga ligid nagtuyok,” ug kinahanglang pagahubaron og “karwahe nga mga agianan.” Kaniadto sa karaang kalibutan, ang mga karwahe nagsubay sa dalan nga labing minos og balda ug samtang sila mibyahe latas sa yuta ang ilang mga ligid

31. Ang praybasi sa harianong pagkapari nagpunting ngadto sa prinsipyo sa “pagpuyo ug tugoti sa pagpuyo” diha sa Mga Taga-Roma 14:7-8. Tan-awa sa Thieme, *Christian Integrity*, 141.

Ang Dios nga Balaang Espiritu mao ang Usa kinsa nagtudlo kanato sa doktrina (Juan 14:26) ug mao ang nagpahimo nga gahum sa atong espirituhanong mga kinabuhi (Mga Taga-Roma 15:13).

maghimo og mga inagian sa ligid. Sa paglabay sa panahon, ang uban nakakita adtong mga inagian sa ligid ug magbutang sa ilang mga karwahe diha sa parehong mga inagian sa ligid, aron niana sa katapusan ang karwaheng mga agianan nangaugmad gikan sa usa ka lugar ngadto sa laing lugar.

Para sa mga magtotoo diha sa Kapanahonan sa Simbahan, ang “karwaheng mga agianan sa pagkamatarong” nahisakup ngadto sa pagkatawhanon ni Kristo. Siya miuna kanato ug mibutang sa orihinal nga mga agianan. Ang atong Ginoong Jesu-Kristo misulay ug mipamatuud sa espirituhanong kinabuhi nga Siya mihatag diri kanato—ang parehong espirituhanong kinabuhi nga pinaagi sa gahum sa Balaang Espiritu ug labing-daghang doktrina sa Bibliya diha sa Iyang kalag mihatag Kaniya og kinahiladmang kusog aron mopabilin nga waysayup, moadto sa krus, ug magdala sa impyutasyon ug paghukum sa atong mga sala. Sa dihang ikaw nahisulud ngadto sa Iyang matarong nga mga agianan ug nag-abante sama Kaniya, ikaw dili lamang nakakuha og buylo, apan ikaw nakakuha og kapasidad para sa panalangin.

Pagsunud sa pagkauna ni Kristo diha sa karwaheng mga agianan sa pagkamatarong—pag-abante sa espirituhanon—nagbunga diha kanimo og usa ka espirituhanong kapasidad nga pagkamatarong. Kini maoy usa ka espesyal nga kapasidad nga gihatag ngadto sa hamtong nga mga magtotoo aron magtagamtam sa ilang mga panalangin diha sa parehong panahon ug eternidad ug maoy sama ra ngadto sa pagpuyo uban ni Kristo. Pinaagi sa pagkab-ot sa espirituhanong kapasidad nga pagkamatarong, kapasidad para sa pagkinabuhi mahimong kapasidad para sa pagkamatay (Mga Taga-Filipos 1:21). Samtang ang kapasidad para sa pagkinabuhi maoy may kalabutan sa imong pagpatuhup ug paggamit sa doktrina sa Bibliya ngadto sa kasinatian, kapasidad para sa pagkamatay maoy sa tinuud pagkinabuhi sa doktrina sama nga ikaw wala gayud mikinabuhi niini sauna. Uban ang espirituhanong kapasidad nga pagkamatarong, walay kahadlok diha sa

pagkamatay, bugtong ganansiya samtang ikaw nagpanaw pinaagi sa imong mismo kaugalingong kamatayong-nagdagtom nga walog. Ang pagkamatay nga grasya mahimong usa ka kahibulungang proseso sa pagtuboy sa hamtong nga magtotoo ngadto sa waykinutubang kahimayaan sa langit.

Ang Kamatayong-Nagdagtom nga Walog

Bisan pa ako maglakaw lahus sa walog nga dagtom sa kamatayon,
Ako walay kahadlok sa daotan; kay Ikaw maoy uban kanako;
Imong tukon ug Imong baston, sila naglipay kanako.
Ikaw nag-andam og usa ka lamesa atubangan kanako diha sa presensiya sa akong mga kaaway;
Ikaw nagduhig sa akong ulo sa lana;
Ang akong kopa nag-awas.
Pagkamaayo ug mahigugmaongkalulot gayud ang magsunud kanako sa tanang mga adlaw sa akong kinabuhi,
Ug ako magpuyo diha sa panimalay sa GINOO sa kahangturan. (Mga Salmo 23:4-6)

Ikaw nanag-iya sa usa sa labing katingalahang mga piraso sa kayutaan nga kining kinabuhia makahatag, ang imong mismong kaugalingon nga kamatayong-nagdagtom nga walog nga gisangkap para kanimo pinaagi ni Ginoong Jesu-Kristo sa milabay nga eternidad. Ang Hebreyo nga pungan (*tsal'mavet*) mao sa kasagarang gihubad og “dagtom sa kamatayon,” apan kini maoy usa ka pulong nga gitipon gikan sa duha ka mga pungan. Ang unang pungan, (*tsal*), mao ang pulong para sa dagtom; (*mavet*), ang ikaduhang pungan, mao ang pulong para

sa kamatayon. Labing maayo nga gihubad og “kamatayong-nagdagtom,” ang *tsal’mavet* nagpunting ngadto sa imong mismong kaugalingon nga “kamatayong-nagdagtom nga walog.”

Ang usa ka dagtom maoy gihubit isip usa ka “ngitngit nga pigura o imahen nga naporma sa makitang dagway pinaagi sa usa ka lawas nga nagsanta sa kahayag.” Diha sa katangdian, ang ngitngit sa dagtom nagpunting sa imong pagkamatay nga bahin. Diha sa imong kamatayong-nagdagtom nga walog ikaw adunay kahigayonan aron mosanta sa kahayag, ang doktrina sa Bibliya diha sa imong kalag. Ikaw dili mahadlok sa paagi sa imong kamatayon tungud kay “Ikaw maoy uban kanako”; ang Ginoong Jesu-Kristo nag-uban kanimo lahus sa imong kamatayong-nagdagtom nga walog. Ang Magbalantay, ang Ginoong Jesu-Kristo, kinsa migiya kanimo pinaagi sa pag-una diha sa karwaheng mga agianan sa espirituhanong kinabuhi, usab naggiya kanimo lahus sa imong mismong kaugalingon nga kamatayong-nagdagtom nga walog. Ang kahayahay ug pagpadasig nga ikaw mikuha gikan sa doktrina diha sa imong pagpakabuhi nga bahin usab magpahayahay ug magpadasig kanimo diha sa imong pagkamatay nga bahin. Uban ang kinahiladmang kusog sa espirituhanong kinabuhi, ikaw walay angay kahadlok diha sa imong panaw pinaagi sa imong kamatayong-nagdagtom nga walog.

Maingon nga ang Dios misangkap sa matag-butang para sa imong espirituhanong pagtubo diha sa kinabuhi, busa Siya nagsangkap sa matag-butang para kanimo sa pagkamatay nga bahin. Kini mao ang bahin sa kadaugan sa Ginoo nga nagtangtang sa ngutngut sa kamatayon (1 Mga Taga-Corinto 15:55-57). Tungud kay kini mao ang katapusang kahigayonan sa Dios aron mopanalangin kanimo dinhi sa kalibutan, Siya maghimo sa pagkamatay nga grasya nga panalangin nga labaw ngadto sa tanang kabulahanan, promosyon, mga bahandi, ug kalampusan nga imong gitagamtam sa kinabuhi. Ang Dios nagtinguha para sa katapusang panalangin sa

panahon aron modala kanimo sa *summum bonum* sa kinabuhi. Ang imong “kopa nag-awas.” Isip usa ka hamtong nga magtotoo, ikaw nakakat-on og igong doktrina sa Bibliya aron makahibalo nga ang imong kamatayon maoy anaa sa mga kamut sa Ginoo. Basin kon ikaw mamatay dayon sa usa ka sa atubangan nga bangga o human sa usa ka gipataas, masakit nga balatian, ikaw maoy sa perpektong hayahay tungud kay ikaw nakahibalo nga ikaw “magpuyo sa panimalay sa GINOO sa kahangturan.”

ANG TAYTAYAN TALI SA PANAHOON UG ETERNIDAD

Ang pagkamatay nga grasya mahimo usab nga tan-awon gikan sa laing panglantaw: ang sumpay tali sa mga panalangin sa panahon ug mga panalangin sa eternidad. Ang Dios nakakita nga angayan aron mohatag og usa ka espesyal nga taytayan para sa hamtong nga magtotoo samtang siya naglabang tabok sa bung-aw gikan sa kinabuhi dinhi sa kalibutan ngadto sa kinabuhi didto sa langit—ang taas nga bulawanong taytayan sa pagkamatay nga grasya. Si Stonewall Jackson sa maanindot mipahayag niini nga paglabang diha sa iyang pagkamatay nga mga pulong: “Atong labangon ang sapa, ug magpahulay ilalum sa landong sa kakahuyan.”³²

Ang magsusulat sa Mga Hebreohanon nagsulti kanato nga ang usaka hamtong nga magtotoo sa Karaang Testamento, sama ni Abraham, makalantaw gikan sa iyang punto debista ibabaw sa taas nga sukaranan sa espirituhanong pagkahamtong ngadto sa eternidad ug magtan-aw sa iyang waykatapusang mga panalangin ug mga ganti nga gilarawan isip usa ka matahum nga siyudad (Mga Hebreohanon 11:9-10; Pinadayag 21:2, 10). Ang katinuuran niini nga waykatapusang mga ganti,

32. Lenoir Chambers, *Stonewall Jackson* (New York: William Morrow & Co., 1959), 2:447.

gisaysay diha sa daghang mga bersikulo sa Kasulatan (2 Mga Taga-Corinto 5:10; Santiago 1:12; 1 Pedro 5:4), mahimong mapahayag pinaagi sa terminong “malabawong grasya,” gikuha gikan sa literal nga paghubad sa Mga Taga-Efeso 2:7.

Aron nga diha sa mga kapanahonang umaabut [eternidad] Siya tingali magpakita sa malabawong mga bahandi sa Iyang grasya diha sa pagkamaayo ngari kanato diha ni Kristo Jesus. (Mga Taga-Efeso 2:7)

Malabawong-grasya nga mga panalangin, nga maoy itugyan ngadto sa hamtong nga magtotoo sa eternidad, maoy labaw ug lapas pa sa kasagarang mga sumbanan nga gisangkap para sa matag magtotoo human sa kamatayon.

Ikaw magsulud sa pagkamatay nga grasya pinaagi sa pagyukbo o pag-ila sa imong malabawong-grasya nga mga panalangin gikan sa duul sa tumoy sa taytayan ug natapos ang panaw pinaagi sa pagdawat kanila didto sa pikas tumoy. Ang imong pag-abante latas sa taas nga bulawanong taytayan gikan sa panahon ngadto sa eternidad tingali mokuha og usa ka taas nga panahon o sa usa ka hamubong panahon, apan atol sa pagbalhin, ang Dios maghatag kanimo pinaagi sa doktrina nga nagpuyo diha sa imong kalag ug nagresultang espirituhanong kapasidad nga pagkamatarong sa panglantaw sa mga panalangin ug mga ganti nga ikaw maoy padulong modawat sa eternidad.

Tanan niini nangamatay [Karaang Testamentong mga magtotoo kinsa nangamatay ubus sa pagkamatay nga grasya] diha sa pagtoo [sumala sa doktrina nga nagpuyo diha sa kalag], nga wala nagdawat sa mga saad [malabawong-grasya nga mga panalangin sa eternidad], apan nakakita kanila ug midawat kanila gikan sa usa ka distansiya

[gikan sa taas nga sukaranan sa espirituhanong pagkahamtong sa panahon]. (Mga Hebreohanon 11:13a)

PAGBALHIN NGA LAHI SA KAMATAYON

Usa ka Talagsaong Pagbalhin

Para sa usa ka hilabihan ka diyutay nga mga magtotoo, ang Dios naghatag og usa ka talagsaong pagbalhin ngadto sa langit nga wala naglakip og kamatayon. Si Enoch, kinsa nabuhi sa wala pa ang Lunup, maoy usa ka hulagway sa usa ka kategoriya sa pagbalhin nga lahi gikan sa kamatayon.

Pinaagi sa pagtoo [doktrina nga nagpuyo diha sa kalag] si Enoch maoy gisakgaw aron nga siya dili makakita og kamatayon; UG SIYA MAOY WALA MAKIT-AN TUNGUD KAY ANG DIOS MIDALA KANIYA PATAAS. (Mga Hebreohanon 11:5a)

Ang pagkamatay nga panalangin mahimong matandi ngadto sa usa ka maalsa nga taytayan. Sagad ang maalsa nga taytayan maoy gikontrolar ug gipaibus gikan sa panahong bahin sa bung-aw, tungud kay kini maoy usa ka panalangin nga may kalabutan sa panahon. Ang magtotoo mamatay sa lawasnon, ang iyang kalag ug espiritu moadto sa langit samtang ang iyang lawas nagpabilin sa kalibutan. Sa hitabo ni Enoch, hinoon, ang maalsa nga taytayan maoy gikontrolar gikan sa eternidad nga bahin. Siya wala makasinati og kamatayon. Ang iyang lawas, kalag, ug espiritu—sa gihapon wamaunsa—miadto sa Paraiso (Genesis 5:24). Ngano man nga ang Dios gawasnon aron mopanalangin ni Enoch diha sama sa usa ka talagsaon ug kahibulungang pagbalhin? Ang panalangin ni Enoch maoy

may kalabutan sa iyang malabawong-grasya nga mga ganti.

Kita kinahanglang maghinumdum nga ang Dios maoy gawasnon aron mohatag og laktod nga panalangin ngadto ni bisan kinsang magtotoo kinsa nahiuyon sa Iyang hustisya ngadto sa kinadak-an, ang kahimtang sa pagkahamtong nga “nagpahimuut” sa Dios. Si Enoch nakatuman niini nga prinsipyo.

Kay siya nakakuha og saksi nga sa wala pa ang iyang pagsakgaw siya maoy nagpahimuut sa Dios.
(Mga Hebreohanon 11:5b)

Unsaon man ni Enoch sa pagpahimuut sa usa ka perpektong Makagagahum kinsa naghuput og absolutong pagkamatarong ug hustisya?

Ug walay pagtoo [doktrina nga nagpuyo diha sa kalag] kini maoy imposible sa pagpahimuut *Kaniya*, kay siya kinsa nagduul ngadto sa Dios kinahanglang magtoo [pinaagi sa nagpuyo nga doktrina] nga Siya mao, ug *nga* Siya maoy usa ka tigganti [ang Gigikanan sa panalangin] sa kadtong kinsa nangita Kaniya [pinaagi sa adlaw-adlaw nga kalihukan sa GAP]. (Mga Hebreohanon 11:6)

Ang yawi maoy diha sa kamatuuran nga si Enoch dili lamang nakakat-on og doktrina sa Bibliya, apan siya maoy malahutayon ug mapadayonon. Siya sa kamatinumanon nangita sa Dios. Matag adlaw si Enoch “milakaw uban sa Dios” (Genesis 5:24). Matag adlaw si Enoch buut makahibalo dugang pa ug dugang pa mahitungud sa Dios ug sa Iyang plano, ug ang Ginoo sa kanunay misangkap sa gitinguhang kasayuran. Si Enoch miabante sa hilabihan ug paspas kaayo diha sa iyang espirituhanong kinabuhi nga ang pagbalhin ngadto sa eternidad lahi sa kamatayon maoy usa sa espesyal nga mga panalangin sa Dios ug mga ganti para kaniya.

Ang Pagsakgaw nga Henerasyon

Sama ni Enoch, ang ikaduhang pagbalhin ngadto sa langit wala maglakip og lawasnong kamatayon sa magtotoo. Diha sa usa ka punto sa umaabot, gitawag og Pagsakgaw o paggula nga pagkabanhaw (*exanastasis*), usa ka tibuuk henerasyon sa harianong pamilya maoy pagasakgawon ug pagabalhinon ngadto sa langit nga walay pagkamatay. Diha sa Pagsakgaw, tanang Kapanahonan sa Simbahan nga mga magtotoo makadawat sa ilang mga lawas sa pagkabanhaw, usa ka lawas sama ingon sa binanhaw nga lawas ni Ginoong Jesu-Kristo (Mga Taga-Filipos 3:21). Diha dayon, sila mangausab gikan sa usa ka lawas nga madunut ngadto sa usa ka lawas nga dimadunut; “pagkamatay magdawat diha sa pagkawalay-kamatayon” (1 Mga Taga-Corinto 15:53, KJV). Walay tawo nga nakahibalo sa adlaw o sa oras niining maanindot nga hitabo, bugtong ang omniscience sa Dios (Mateo 24:36; Markos 13:32; Mga Buhat 1:7).

Tungud niini kami nagsulti kaninyo pinaagi sa pulong sa Ginoo, nga kita kinsa maoy buhi, ug nagpabilin hangtod sa pag-abut sa Ginoo, dili mag-una kanila kinsa nahikatulog. Kay ang Ginoo Mismo mokanaog gikan sa langit uban ang usa ka singgit, uban ang tingog sa *ang* arkanghel, ug uban ang trumpeta sa Dios; ug ang patay diha ni Kristo mosaka og una. Unya kita kinsa maoy buhi ug nagpabilin pagasakgawon og dungan uban kanila sa kapanganuran aron motagbo sa Ginoo sa kahanginan, ug busa kita sa kanunay mag-uban sa Ginoo. (1 Mga Taga-Tesalonica 4:15-17)

Diha sa 1 Mga Taga-Tesalonica 4:15-17, kita nakakita sa hanay sa mga hitabo sa Pagsakgaw. Kadtong kinsa “nahikatulog”

nagpunting ngadto kanila sa Kapanahonan sa Simbahan nga mga magtotoo kinsa nangamatay na. “Dihadiha, sa pagpilok sa mga mata” sila “mangausab” (1 Mga Taga-Corinto 15:51-52) ug ang “patay diha ni Kristo mosaka og una.” Unya, kadtong kinsa maoy buhi pagausbong ug pagabanhawon. Walay sapayan unsa ang matag-usa sa mga magtotoo ang gipanghimo niining gikatakda nga panahon ug walay sapayan unsa ang ilang espirituhanong kahimtang, karnal o espirituhanon, *tanan* nga buhing Kapanahonan sa Simbahan nga mga magtotoo usab pagabanhawon.

Lahi sa Pagsakgaw nga henerasyon, ang kamatayon maoy masinati sa tanang mga magtotoo. Ang pangutana nagsugod, unya, unsay mahitabo ngadto sa magtotoo kinsa namatay sa wala pa ang Pagsakgaw? Asa man siya magpuyo hangtod niining gikatakda nga panahon?

ANG KASAMTANGANG LAWAS

Diha sa 2 Mga Taga-Corinto 5:8, ang aorist aktibong panghangtod (*endemeo*), nagkahulugan og “pagkaana sa panimalay,” gisundan pinaagi sa pangdugtongan (*pros*) ug ang accusative sa maayunon nga relasyon, direct object (*Kurios*) nagpasabut og “aron anaa nawong sa nawong uban ang Ginoo” ug nagsugyot nga ang atong mga kalag ug mga espiritu maoy gipapuyo diha sa usa ka kasamtangang lawas sa langit samtang kita naghulat og pagkabanhaw (Job 19:25-26; Juan 11:25). Ang Bibliya wala gayud naghigot sa waylawas nga mga kalag. “Nawong sa nawong” usab nagpasabut nga kita mailhan diha sa atong kasamtangang mga lawas. Kay ang magtotoo diha sa usa ka kasamtangang lawas, ang kamatayon nagpasabut og walay kinaiyang makasasala, wala na gayuy “pagbangutan, o paghilak, o kasakit” (Pinadayag 21:4). Walay kalainan nga gihimo tali sa kasamtangang mga lawas sa kadtong mga magtotoo kinsa miabante sa espirituhanong

pagkahamtong ug kadtong kinsa wala. Diha sa usa ka kasamtangang lawas, kita adunay dakong kalipay. Kita adunay usa ka bag-ong panimalay (Juan 14:1-6), ug usa ka katinuuran sa waykatapusang kinabuhi (Juan 10:28). Kini nga kahibalo nga ang mga hinigugma maoy diha sa usa ka perpektong kahimtang sa kalipay sa usa ka kasamtangang lawas maoy usa ka gigikanan sa dakong kahayahay sa kadtong kita nagbiya.

SA KADTONG MGA NAHIBILIN

Ang magtotoo diha sa pagkamatay nga grasya nakahibalo nga siya maoy nagbilin sa kinamaayohan nga posibleng kabilin ngadto sa iyang mga anak ug mga hinigugma: panalangin pinaagi sa pakig-uban. Tungud sa iyang pagpahiyon ngadto sa hustisya sa Dios, iyang pamilya ug suud nga mga kauban makabaton og panalangin ug seguridad sa katibuk-an sa tanang bahin sa ilang mga tibuuk-kinabuhi. Ang magtotoo uban ang doktrina nga nagpuyo diha sa iyang kalag mamatay uban ang kasigurohan nga ang hustisya sa Dios magpadayon sa pagsangkap para kanila nga siya nagbiya.

Apan unsaon man sa divine nga pagsangkap sa pagdala sa kaguul ug pagkawala sa kadtong kinsa maoy nahibilin? Sa ingon niana, kini maoy kahibalo sa hustisya sa Dios nga mao ang basihan para sa kalig-on ug panalangin diha sa pagkawala sa usa ka hinigugma. Bisan unsang higayon nga ang Dios nagtangtang og usa ka tawo gikan niining kinabuhia, ang desisyon maoy pinasikad diha sa iyang perpektong kaalam ug integridad. Tungud kay ang Dios mao ang gigikanan sa matag higala o hinigugma nga kita anaa (Santiago 1:17), kita walay katungud aron mapait o sa pagpangutana sa Dios. Ang atong tubag kinahanglang kadtong sa kang Job, kinsa nawad-an sa tanan niyang mga anak diha dayon.

Ang GINOO mihatag ug ang GINOO mikuha.
Dayegon ang ngalan sa GINOO. (Job 1:21b)

Ang Ginoo nagsulti sa tinuud, “Ikaw magpadayon sa pagpakabuhi nga wala kining gimahal, apan hinumdumi nga ikaw maoy dili nga wala Ako ug nga ikaw makakita sa imong nagtoong hinigugma pag-usab. Sa pag-ugmad og kapasidad para sa kinabuhi ikaw kinahanglang magsalig ngari Kanako, dili diha sa katawhan. Busa Ako nagbutang kanimo sa likud aron mas makasinati uban Kanako sa panahon.” Kita nakahibalo nga ang kamatayon sa mga hinigugma kinsa mitoo diha ni Kristo maoy bugtong usa ka temporaryong pagkahimulag; kini maoy dili ang katapusan sa tanan, kay kita makakita kanila sa kahangturan sa eternidad.

Ako moadto aron pag-andam og usa ka lugar para kaninyo. Ug kon Ako moadto ug mag-andam og usa ka lugar para kaninyo, Ako moabut pag-usab, ug modawat kaninyo ngadto sa Akong-kaugalingon; nga asa man Ako, *didto* kamo mahimo usab. (Juan 14:2b-3)

Busa uban ang usa ka bugon diha sa imong tutunlan ikaw tingali magsulti, “Adyos,” apan ikaw nakahibalo nga ikaw maghiusa pag-usab sa imong mga hinigugma diha bisan hain sa imong kaugalingong kamatayon o ang Pagsakgaw (1 Mga Taga-Tesalonica 4:16-18). Hangtod nianang panagtagbo, ikaw magsadya diha sa kahibalo nga ang imong mga hinigugma maoy diha sa usa ka kahimtang sa perpektong kalipay uban ang Ginoo.

Ang atong kahibalo sa integridad sa Dios usab nagpahimo kanato aron makiangayon mahitungud sa kamatayon sa usa ka dimagtotoo. Kita nakahibalo nga ang Dios dili manghilabut sa gawasnong kabubut-on sa bisan kinsang myembro sa

tawhanong kaliwatan. Kita usab nakahibalo nga Siya mao

Wala nagtinguha para ni bisan kinsa nga malaglag apan para ang tanan moabut ngadto sa paghinulsul [usa ka kausaban sa panghunahuna ngadto ni Kristo]. (2 Pedro 3:9b)

Matag myembro sa tawhanong kaliwatan adunay matag posibleng kahigayonan aron maminaw sa Ebanghelyong kasayuran, ug sa pagpili para sa plano sa Dios sa kaluwasan ug panalangin pinaagi sa pagtoo diha ni Jesu-Kristo. Dugang pa, ang omniscience sa Dios nakahibalo nga pihong katawhan ang dili gayud modawat ni Jesu-Kristo isip Manluluwas bisan pa kon sila maoy hatagan og dugang panahon. Tungud kay ang hustisya sa Dios maoy sa absolutong makatarunganon ug dili mahimong makompromiso, Siya kinahanglang magsilot sa dimagtotoo ngadto sa waykatapusang kasakit sa pagkahimulag gikan sa Dios nga nagsugod diha human sa iyang kamatayon. Bisin pa niana nga walay paglaum lapas sa lubnganan para sa dimagtotoo, kini maoy mapasipad-on nga mahimong mapait ngadto sa Dios mahitungud sa kamatayon ug waykatapusang paghukum ni bisan kinsang tawo kinsa sa gawasnong mipili aron mosalikway sa makaluwas nga buhat sa Anak sa Dios.

Daghan ang nag-isip niini nga usa ka trahedya sa dihang ang mga batang gamay o gagmay nga kabataan mangamatay; apan kini maoy labi pang maayo nga sila mangamatay ug sa awtomatik mag-adto sa langit sa wala pa makaabut sa edad sa kaakohan (2 Samuel 12:23), kay sa mamatay sa kaulahian sa kinabuhi isip usa ka dimagtotoo ug moadto sa impiyerno.³³

33. Ang edad sa kaakohan mao ang punto nga diin ang tawo mahimong makahibalo sa pagkaanaa sa Dios pinaagi sa paglihok sa iyang kaugalingong mentalidad (Jeremiah 29:13; Mga Buhat 17:27; Mga Taga-Roma 1:19-20). Gikan nianang taknaa, nga diin nagkalahi gikan sa matag-usa ngadto sa matag-usa sumala sa kultura, pinulongan, kalikupan, ug

Kini usab maoy malapason nga mahimong mapait ngadto sa Dios para sa pagtangtang sa usa ka tawo sa usa ka sayong pangidaron. Samtang kita nakakat-on gikan sa Job 5, ang Dios maoy sama sa mag-uuma kinsa nakahibalo sa tukma kanus-a ang anagon maoy hinog ug kinahanglang pagasanggion. Pipila sa mga anagon mahinog og mas madali kay sa uban; busa kini mao usab sa mga magtotoo. Diha sa anghelanong away, ang katuyoan sa matag kinabuhi sa magtotoo maoy matuman diha sa usa ka managlahing pangidaron. Bisan pa kon ang kamatayon mahitabo diha sa usa ka maingon-ingon nga sayo sa pangidaron sumala sa tawhanong mga sukaranan, kana dili magkunhod sa posibilidad sa kalipay, panalangin, pagkamatay nga grasya, ug mga ganti ngadto nianang tawhana. Kita nakahibalo nga diha sa kahimtang sa gagmay nga kabataan ug sa tanan kinsa nangamatay diha ni Kristo, kita makakita kanila pag-usab. Nagsiguro pag-usab bisan pa kini tingali, ang kahibalo niining umaabut nga katinuuran dili magtangtang sa kasub-anan sa takna, ni ang kasakit sa paghandum sa panag-uban sa usa ka hinigugma.

Ang Dios migahin kanato og usa ka pihong gidugayon sa panahon aron magbangutan para kadtong kita naghigugma kinsa mibiya gikan niining kalibutana.

Usa ka panahon sa paghilak, . . . usa ka panahon sa pagbangutan. (Ecclesiastes 3:4)

Ang kasub-anan maoy tinuud. Ang pagbangutan maoy dili sayup; kini maoy usa ka malumo ug bisan pa makagagahum nga bahin sa kinabuhi. Ang paghilak sa kasub-anan nagpahayag og dakong kapasidad para sa gugma. Uban ang

mga panghitabo, ang tawo maoy manubag atubangan sa hustisya sa Dios para sa iyang desisyon para o supak sa Dios ug sa iyang plano. Kadtong kinsa nangamatay sa wala pa makaabut sa edad sa kaakohan tungud sa edad o panghunahunang kakulian maoy sa awtomatik maluwas. Tan-awa sa Thieme, *Heathenism* (2001), 14-15.

doktrina sa Bibliya diha sa imong kalag, ikaw maoy makahimo sa pagbarog diha sa lubnganan ug magpahimulus sa imong panahon sa pagbangutan, sa paghinumdum sa nawala nga amigo o hinigugma ug sa pagpasidungog kaniya uban ang mga matahum nga kagahapon. Uban ang doktrina diha sa imong kalag, ikaw walay mga pagmahay. Dili bisan ang imong pagbangutan makapildi kanimo, apan hinoon nagbalhin ngadto sa maayong kahumut sa mga panumduman.

Apan, aduna usab usa ka malapasong paghilak, usa ka paghilak gikan sa mapait nga kapakyasan, kalooy-sa-kaugalingon, ug pagbasol. Tanang mga pagmahay kinahanglang malubong diha sa pagsangkap sa grasya sa Dios: Rebound, kalimti kini, ug padayon. Walay lugar para sa kapaitan, pagduhaduha, histerya, o dinatural nga kasub-anan ingon nga gipahayag pinaagi sa uban “kinsa walay paglaum” (1 Mga Taga-Tesalonica 4:13*b*). Ikaw kinahanglang dili magtugot sa kasub-anan labaw sa kamatayon ni bisan kinsa aron moguba sa imong kinabuhi. Ang Dios sa gihapon adunay usa ka katuyoan para sa imong kinabuhi, ug Siya magsangkap para kanimo aron mopadayon diha sa pagkinabuhi bisan pa Siya nagsangkap para sa pagkamatay.

Ang mga babaye, ilabi na, kinahanglang matudloan aron mopahiuyon ngadto sa kamatayon sa usa ka hinigugma (Jeremiah 9:20). Tungud kay ang usa ka babaye maoy usa ka tigtubag diha sa iyang kalag, ang pagtangtang sa usa ka tawo kang kinsa siya nagtubag maoy usa ka malisud nga kahimtang para kaniya. Kahigalaan ug kaparyentehan tingali maghatag kaniya og dihadiha nga kahayahay, apan samtang ang panahon nagpadayon, kini nga katawhan mobalik ngadto sa ilang mga lugar diha sa kinabuhi ug siya maoy mag-inusara, sa hingpit nagsalig diha sa doktrina nga nagpuyo diha sa iyang kalag. Kon siya nagkulang og doktrina, siya maoy dimakahimo sa pagsugakod uban ang pag-inusara ug kaguul. Apan kon siya naghuput og kinahiladmang kusog sa doktrina sa Bibliya

ug espirituhanong kapasidad sa pagkamatarong, siya nagagula isip usa ka matahum ug halangdong babaye, usa ka tawo kinsa nakaatubang og usa sa kinadak-ang kasub-anan ug mitagad uban niini sa kamatahum.

ANG HAGIT NGADTO SA MAGTOTOO

Bisan kon ikaw maoy giatubang sa imong kaugalingong kamatayon o ang kamatayon sa usa ka hinigugma, ang labing-daghang doktrina sa Bibliya diha sa imong kalag mao ang bugtong epektibo nga tubag. Pinaagi sa imong adlaw-adlaw nga pagpadayon diha sa pagkat-on og doktrina sa Bibliya, ikaw nag-umol sa imong mga tubag ngadto sa mga pagsulay sa pagkinabuhi ug pagkamatay diha sa usa ka paagi nga naghimaya sa Ginoo. Uban ang sinulat nga Pulong nga naghatag kanimo og kasigurohan ug panalangin sa buhing Pulong, ikaw adunay espirituhanong kapasidad sa pagkamatarong, ang perpektong kombinasyon sa kalig-on, kapasidad, ug kalipay para sa parehong pagkinabuhi ug pagkamatay.

Si Pablo nakasabut niini nga prinsipyo sa dihang siya misulat sa Mga Taga-Filipos 3. Siya maoy nahagit aron mopabilin sa pag-abante samtang siya wala pa nakaabut sa katuyoan diha sa espirituhanong kinabuhi, labing-dakong pagpahimaya sa Dios.

Dili nga ako nakakab-ot na *niini* [nakadawat sa pagkabanhaw], o nahimo nang perpekto [mikompleto sa espirituhanong kinabuhi], apan ako nag-asdang [nagapadayon sa positibong kabubut-on ngadto sa doktrina] aron nga Ako mahimong maggunit niana [sa tinuud nakasabut sa katuyoan] kay nga usab ako maoy gigunitan [sa tinuud nakasabut] pinaagi ni Kristo Jesus. (Mga Taga-Filipos 3:12)

Niini nga punto, si Pablo sa hingpit nakasabut unsa ang iyang nakab-ot ug asa siya padulong diha sa iyang espirituhanong kinabuhi. Ang iyang tukmang kaugalingong-pakisusi nagpadasig kaniya aron mopabilin sa pag-abante. Apan samtang si Pablo nagpunting, ang tanang mga magtotoo mapakyas usahay.

Kaigsoonan [mga myembro sa harianong pamilya sa Dios], ako wala mag-isip sa akong kaugalingon nga nakahuput na *niini* [nakakab-ot sa espirituhanong pagkahamtong] bisan pa; apan usa ka butang nga *akong nahimo*: pagkalimot unsa ang *anaa* nga nagpabilin [nangaging mga sala ug mga kapakyasan] ug pagkab-ot paabante sa unsa ang *anaa* ngadto sa unahan [espirituhanong pagkahamtong ug labing-dakong paghimaya sa Dios], Ako nag-asdang [padayon sa pag-abante] ngadto sa katuyoan [espirituhanong pagkahamtong] para sa premyo [malabawong-grasya nga panalangin] sa itaas nga tawag [eternidad] sa Dios diha ni Kristo Jesus. (Mga Taga-Filipos 3:13-14)

Si Pablo nagpahimug-at sa kaimportante sa pagbalik diha sa atong espirituhanong mga tiil sa labing madali ug pagpadayon sa pag-abante ngadto sa katuyoan. Kita kinahanglang dili mahimong makikaugalingon mahitungud sa atong mga sala ug mga kapakyasan, apan rebound ug pagbalik sa hustong agianan. Kita kinahanglang maghiklin sa milabay nga mga kapakyasan, kanunay sa pag-asdang, ug padayon sa paghimo sa doktrina sa Bibliya nga atong numero unong prayoridad diha sa kinabuhi. Ang atong positibong kinaiya ngadto sa doktrina sa Bibliya maoy usa ka paggarantiya sa panalangin ngadto sa atong mga hinigugma, mga kauban, ug sa nasud usab (Mateo 5:13).

Kini nga prinsipyo maoy ilabi nang may kalabutan diha sa mga panahon sa makasaysayanon o nasudnong katalagman, sa dihang ang pag-antos ug kamatayon maoy hilabihan ka tinuud ug adlaw-adlaw nga mga kahitaboan. Giunsa sa mga magtotoo sa pag-atubang sa nasudnong mga katalagman kaniadto? Giunsa nila pag-atiman ang hulga sa kamatayon ngadto batok sa usa ka kompromiso sa doktrina sa Bibliya? Sila ba nangalaglag? Sila ba nagtahan? Matnguni ang tubag ni Daniel diha atubangan sa kamatayon ngadto ni Haring Nebuchadnezzar.

“Kon kini *sumala sa giingon*, ang atong Dios kinsa kita nag-alagad maoy makahimo sa pagtubus kanato gikan sa hudno sa nagdilaab nga kalayo; ug Siya magtubus kanato gawas sa imong kamut, O hari. Apan *bisan pa* kon Siya dili, tugoti nga kini mahibaloan ngadto kanimo, O hari, nga kami maoy dili mag-alagad sa imong mga diosdios o magsimba sa bulawang imahen nga imong gipahimutang.” (Daniel 3:17-18)

Imbis nga mokompromiso sa kamatuuran, sila mipili sa pagpahulay diha sa waykinutubang kaalam ug omnipotence sa Dios mahitungud sa panahon ug paagi sa ilang mga kamatayon. Si Job mipahayag niining pareho nga panghunahuna sa dihang siya misulat:

“Bisan pa og Siya [Dios] magpatay kanako,
Ako maglaum [adunay pagsalig] diha Kaniya.”
(Job 13:15a)

Kini nga masaligon, hayahay nga panghunahuna diha sa atubangan sa labing gamhanan nga panghadlok nga paagi ni Satanas—kamatayon—sa makanunayon ug sa kanunay makab-ot pinaagi sa mga magtotoo diha sa susamang paagi.

Hinumdumi samtang ikaw nagsugod sa imong panaw pinaagi sa imong mismong kaugalingong kamatayong-nagdagtom nga walog, nga ang imong mga hinigugma dili makauban kanimo. Bugtong ang Ginoong Jesu-Kristo, ang buhing Pulong, mag-uban kanimo. Bisan pa niana nga ikaw pagaatimanon pinaagi sa maayo kaayong sa medisina nga pag-amuma, bugtong doktrina sa Bibliya, ang sinulat nga Pulong, nga nagpuyo diha sa imong kalag ang magpalahutay kanimo atol sa imong pagkamatay nga mga takna. Si Socrates, usa ka dimagtotoo, miingon, “Ikaw maoy dili gayud sa tinuud nga malampuson hangtod nga ikaw mamatay sa matarong.” Ang divine nga panglantaw nga kalainan mao: Kon ikaw nagpuyo sa matarong pinaagi sa pag-abante ngadto sa espirituhanong pagkahamtong, ikaw mamatay nga mas maayo pa, tungud kay ang pagkamatay nga grasya naglabaw sa bisan unsa diha sa kinabuhi.

Niining panahona, ang imong pangisip diha sa kamatayon kinahanglang lahi ra gikan sa tawhanong panglantaw nga gipahayag sa palibut nimo. Uban ang doktrina diha sa imong kalag, ikaw maoy dili mahadlok sa kamatayon. Ikaw nagpaabot sa pagkamatay sama sa imong pagpaabot sa imong paboritong tam-is nga pagkaon, nakahibalo nga ang mga panalangin sa pagkamatay nga grasya mahimong labaw ngadto sa labing maayo sa kinabuhi.

Ania ang pangutana nga ikaw kinahanglang motubag ngadto sa Ginoo lamang: Kon ikaw maoy gisultian nga ikaw aduna lamang upat ka mga oras aron mabuhi, unsay imong buhaton, unsay imong hunahunaon atol sa imong katapusang mga oras dinhi sa kalibutan? Ikaw ba mapuy-an ni Kristo o nahasol sa imong mga kapakyasan? Ikaw ba mapuno sa mga pagmahay o maghuput sa katagbawan? Ikaw ba magpatid sa imong-kaugalingon, o ikaw ba makalma?

Diha sa pagkamatay nga grasya ikaw makahimo sa pagtan-aw pagbalik diha sa imong kinabuhi nga walay mga pagmahay

o kapaitan, ug uban ang halawum nga pagkatagbaw. Ikaw makasulti uban ang Apostol Pablo:

Ako nakig-away sa maayong away [pagpadayon sa pagkahamtong hangtod sa kamatayon], Ako nakahuman sa dagan, Ako nagpabilin sa pagtoo [mibantay sa doktrina nga nagpuyo diha sa akong kalag]. (2 Timoteo 4:7)

Sama sa gibuhat ni Pablo, ikaw usab makatan-aw paabante ngadto sa usa ka waykatapusan, mahimayaong kinabuhi uban ang Ginoo—usa ka kinabuhi uban ang dimahulagway nga mga panalangin ug mga ganti.

Diha sa umaabot [eternidad] adunay gitipig para kanako ang korona sa pagkamatarong [waykatapusang mga ganti], nga ang Ginoo, ang matarong nga Maghuhukum, magganti kanako nianang adlaw [didto sa paghukum nga lingkuranan ni Kristo];³⁴ ug dili lamang ngari kanako, apan usab ngadto sa tanan kinsa nahigugma sa Iyang pagpakita [gipuy-an ni Kristo]. (2 Timoteo 4:8)

Sama sa kadaugang mga purongpurong nga iganti para sa mahinungdanong mga kalampusan diha sa karaang Romanong kalibutan, mga ganti diha sa espirituhanong ginsakpan maoy waykatapusang tubag sa Dios niadtong mga magtotoo kinsa sa hingpit mipahiuyon ngadto sa Iyang hustisya, mipabiling matinumanon ngadto sa Iyang Pulong, ug miabante ngadto sa

34. Ang paghukum nga lingkuranan ni Kristo nagsugod diha diha human sa Pagsakgaw sa Simbahan ug mao ang lugar diin ang tanang Kapanahonan sa Simbahan nga mga magtotoo maoy pihoon ang bili pinaagi ni Ginoong Jesu-Kristo mahitungud sa ilang espirituhanong pag-abante ug ang sangputanang abut dinhi sa panahon (1 Mga Taga-Corinto 3:13) ug unya gantihan sa ilang malabawong-grasya nga mga panalangin para sa eternidad (2 Mga Taga-Corinto 5:10).

espirituhanong pagkamatarong. Sa sangputanan, sa dihang ikaw magbarog diha sa imong lawas sa pagkabanhaw atubangan ni Ginoong Jesu-Kristo didto sa paghukum nga lingkuranan ni Kristo, ikaw makadungog sa Iyang mga pulong:

Maayong pagkabuhat, maayo ug matinumanon nga sulugoon; ikaw nagmatinumanon mahitungud sa diyutay nga mga butang, Ako maghimo kanimo nga magmamando labaw sa daghang mga butang: sulud ikaw ngadto sa kasadya sa imong Ginoo. (Mateo 25:23, KJV)

ANG PITO KA MGA KAMATAYON

- I. Ang lawasnong kamatayon mao ang pagkahimulag sa kalag gikan sa lawas:
 - A. Sa dihang ang magtotoo mamatay, ang Balaang Espiritu nagkuha sa iyang kalag ug sa iyang tawhanong espiritu ug nagbulag niining dimateryal nga bahin sa tawo, nga mao ang tinuud nga tawo, gikan sa lawas ug nagsulud kaniya ngadto sa presensiya sa Ginoo (2 Mga Taga-Corinto 5:8).
 - B. Ang lawasnong kamatayon mahitabo sa dihang ang elektrikong mga kusog sa utok dili na makaplagan. Ang lawasnong kamatayon dili masukud pinaagi sa elektrikong mga kusog nga natala gikan sa kasingkasing.
 - C. Ang lawasnong kamatayon maoy dili usa ka trahedya para sa magtotoo apan usa ka lahi nga himaya (Mga Taga-Filipos 1:21).
 - D. Ang dimagtotoo walay kaugmaon uban ang Dios. Sa dihang siya mamatay, ang iyang kalag mobiya sa iyang lawas ug moadto sa usa ka lugar nga gitawag og Mga Kasakit sa Hades. Kini mao ang temporaryong pinuy-anan para sa dimagtotoo diin siya naghulat sa Katapusang Paghukum ug pagsilot ngadto sa permanenteng pinuy-anan didto sa linaw sa kalayo

(Pinadayag 20:14).

- II. Ang espirituhanong kamatayon maoy pagkahimulag gikan sa Dios sa panahon—divine nga pagsilot sa punto sa lawasnong pagkatawo (Genesis 2:17; Mga Taga-Roma 5:12; 6:23; Mga Taga-Efeso 2:1).
 - A. Ang espirituhanong kamatayon mao ang resulta sa orihinal nga sala ni Adan sa dihang siya nawad-an sa iyang tawhanong espiritu ug fellowship uban sa Dios. Siya maoy dili na makahimo sa pagsabut sa espirituhanong mga talagsaong-hitabo.
 - B. Ang espirituhanong kamatayon para sa tanang sunud nga mga henerasyon mao ang resulta sa impyutasyon sa pagkatawo sa silot sa orihinal nga sala ni Adan ngadto sa kaliwatang naporma nga kinaiyang makasasala. Ang matag tawo maoy natawo sa lawasnong nga buhi apan sa espirituhanon patay (Mga Taga-Roma 5:12, 18; 6:23).
 - C. Pagtoo diha ni Ginoong Jesu-Kristo sa panahon nag-atiman sa problema sa espirituhanong kamatayon (1 Mga Taga-Corinto 15:22; 2 Mga Taga-Corinto 5:17).
- III. Ang ikaduhang kamatayon nagpunting ngadto sa Katapusang Paghukum, o ang pagkahimulag sa dimagtotoo gikan sa Dios para sa tanang eternidad (Mga Hebreohanon 9:27; Pinadayag 20:12-15).
- IV. Ang posisyonal nga kamatayon nagpunting ngadto sa pag-ila uban sa kamatayon ni Kristo. Ang Kapanahonan sa Simbahan nga mga magtotoo maoy nailhan uban ni Kristo, dili lamang diha sa Iyang kamatayon ibabaw sa krus (mabalikong posisyonal nga kamatuuran), apan usab diha sa Iyang pagsaka ug sesyon didto sa toong kamut sa Amahan (karon nga posisyonal nga kamatuuran)³⁵ (Mga Taga-Roma

35. Thieme, *The Divine Outline of History*, 87.

6:1-14; Mga Taga-Colosas 2:12; 3:3).

- V. Ang temporaryong kamatayon mao ang pagkahimulag sa magtotoo gikan sa fellowship uban sa Dios sa panahon.
 - A. Sa dihang ang magtotoo naggawas sa fellowship uban sa Dios pinaagi sa sala, bisan kon sa panghunahuna, binaba, o dayag, siya maoy anaa sa mao gihapong kahimtanga sa karnalidad, sa kasagaran gipunting ngadto isip “kamatayon” (Lukas 15:24, 32; Mga Taga-Roma 8:6; Mga Taga-Efeso 5:14; 1 Timoteo 5:6; Santiago 1:15; Pinadayag 3:1).
 - B. Ang 1 Juan 1:9 mao ang paagi nga diin ang magtotoo kinsa maoy gawas sa fellowship makabawi sa fellowship uban sa Dios.
- VI. Naglihok nga kamatayon maoy bisan unsang porma sa Kristohanong pag-alagad nga lahi sa pagpuno sa Balaang Espiritu—tawhanong kamaayo nga gimugna pinaagi sa karnal nga magtotoo (1 Timoteo 5:6; Mga Hebreohanon 6:1; Santiago 2:26).
- VII. Sa sekso nga kamatayon mao ang pagkadimakahimo sa pagpanganak. Gihisgotan diha sa Mga Taga-Roma 4:17-21 ug Mga Hebreohanon 11:11-12, ang duha ka mga kahitaboan nagpunting ngadto sa pagkadimakahanak ni Sarah ug pagkadimakahimo ni Abraham sa pagbuhat og usa ka liwat (Genesis 17:17; 18:11, 13).

Timan-anan sa Kasulatan

KARAANG TESTAMENTO

GENESIS

2:17..... 4,70
3:7..... 4
3:15..... 7
3:17..... 5
3:19..... 29
5:5..... 5
5:24..... 54,55
17:17..... 71
18:11..... 71
18:13..... 71
25:8..... 41

DEUTERONOMIO

15:11..... 31

1 SAMUEL

2:2..... 6

2 SAMUEL

12:23..... 60

1 CRONICAS

10:13-14 36

2 CRONICAS

24:20..... 42

JOB

1:21..... 59
5..... 22,26,61
5:19..... 23
5:20-21 23
5:22-23 24
5:24..... 24
5:25..... 25
5:26..... 26
5:27..... 26
13:15..... 65
19:25-26 30,57
24:17..... 8
34:22..... 8

MGA SALMO

22:1.....	17
23.....	47
23:1-3	47
23:4.....	39
23:4-6	50
31:5.....	19
31:15.....	27
33:18-19	16
68:19-20	47
110:1.....	20
116:15.....	17
118:17-18.....	35
118:23-24.....	32
138:2.....	15

ECCLESIASTES

3:1-2	27
3:4.....	61
12:5-6	28
12:7.....	29

ISAIAH

14:13-14	5
30:18.....	6,13
53:9.....	18
53:12.....	22

JEREMIAH

9:13-14	35
9:20.....	62
29:13	60

DANIEL

3:17-18	65
---------------	----

HOSEA

8:7.....	34
----------	----

BAG-ONG TESTAMENTO

MATEO

4:4.....	47
5:13.....	64
6:11.....	47
6:25-34	47
22:44.....	20
23:34-35	42
24:26.....	21
24:36.....	56
25:23.....	68
25:41.....	5,9
26:11.....	31
26:67.....	18
27:26-35	18
27:46.....	18
28:9.....	19
28:17.....	19

MARKOS

8:36-37	10
9:47-48	11
12:36.....	20
13:32.....	21,56
14:7.....	31
14:65.....	18
15:15-24	18
16:9-14	19

LUKAS

15:24.....	71
15:32.....	71
16:22-24	5
16:23.....	9
20:38.....	19
20:42-43	20
22:63-64	18
23:11.....	18
23:39-43	22
24:15-46	19

JUAN

3:6-7	8
3:15.....	37
3:16.....	7
3:18.....	10,16
3:36.....	10,16
10:28.....	30,37,39,58
11:25.....	30,57
12:8.....	31
14:1-6	30,58
14:2-3	59
14:6.....	11
14:26.....	48
16:11.....	1
18:12.....	18
18:22.....	18
19:1-18	18

19:30.....	17,18
20:14-21:14	19
20:31.....	37

MGA BUHAT

1:7.....	21,56
2:1.....	20
2:33.....	20
2:34-35	20
5:31.....	20
16:31.....	10,11
17:27.....	60

MGA TAGA-ROMA

1:19-20	60
3:22.....	13,37
3:23.....	3
4:17-21	71
5:12.....	5,70
5:14.....	5
5:18.....	70
6:1-14	70
6:2.....	37
6:6.....	4
6:8.....	37
6:11.....	37
6:23.....	70
7:5.....	4
7:8-20	4
7:18.....	4
8:1.....	10,30
8:3-4	4
8:6.....	71

8:38-39	39
14:7-8	48
14:8.....	27
15:13.....	48
16:25.....	20

1 MGA TAGA-CORINTO

1:8.....	30
1:30.....	13,37
2:9.....	12
2:16.....	15,39
3:11-15.....	31
3:13.....	67
15:12-17	19
15:22.....	70
15:23.....	20
15:51-52	57
15:51-57	30
15:53.....	56
15:55-57	30,51

2 MGA TAGA-CORINTO

5:1-4	3
5:8.....	30,37,39,57,69
5:10.....	31,53,67
5:17.....	70
5:21.....	7,13,37

MGA TAGA-EFESO

1:3.....	12
1:6.....	6
1:10.....	20

2:1.....	5,20,70
2:5.....	20
2:7.....	12,20,53
2:8-9	16,20
4:8-10	22
4:22.....	4
5:14.....	71
6:11.....	37

MGA TAGA-FILIPOS

1:20-21	44
1:21.....	49,69
2:9.....	20
3.....	63
3:9.....	13,37
3:12.....	63
3:13-14	64
3:14.....	12
3:20-21	30
3:21.....	30,56
4:19.....	22

MGA TAGA-COLOSAS

1:25-26	20
2:12.....	71
3:3.....	71

1 MGA TAGA-TESALONICA

4:13.....	30,62
4:15-17	56
4:16-18	59
5:23.....	8,29,30,37

1 TIMOTEO

5:6.....	71
----------	----

2 TIMOTEO

Libro sa.....	43
2:9.....	43
4:6.....	44
4:7.....	44,67
4:8.....	67
4:13.....	46

MGA HEBREOHANON

Libro sa.....	52
1:13.....	20
1:14.....	47
2:14-15	1
6:1.....	71
7:25.....	21
9:27.....	6,70
9:27-28	30
10:13.....	20
10:31.....	11
10:35-36	37
11.....	40
11:4.....	42
11:5.....	54,55
11:6.....	55
11:9-10.....	52
11:11-12.....	71
11:13.....	40,54
11:37.....	42
12:1.....	41

12:5.....	16	3:1-2	30
12:6.....	35	4:4.....	2
12:11.....	16	5:11-12.....	30,37
		5:16.....	16,35

SANTIAGO

1:12.....	53
1:15.....	71
1:17.....	58
2:26.....	71
4:14.....	9

1 PEDRO

1:3-5	20
1:4-5	30
1:21.....	20
2:24.....	14
3:18.....	18
5:4.....	53

2 PEDRO

2:20-21	33
3:9.....	11,60
3:18.....	16

1 JUAN

1:9.....	15,16,71
----------	----------

PINADAYAG

2:10.....	12
2:11.....	9
2:28.....	12
3:1.....	71
3:4-5	12
3:19.....	34
3:20.....	34
4:7.....	5
12:4.....	5
19:16.....	20
20:10.....	5
20:11-15.....	9
20:12.....	16
20:12-15	70
20:14.....	70
20:14-15	9
20:15.....	5,11,16
21:2.....	52
21:4.....	26,30,36,37,39,57
21:10.....	52

SUKARANAN NGA MGA LIBRO NI R. B. THIEME, JR. GIREKOMENDAR NGA HAN-AY

The Plan of God
The Trinity
Slave Market of Sin
The Barrier
Rebound & Keep Moving
Isolation of Sin
The Faith-Rest Life
God the Holy Spirit vs. The Sin Nature
Mental Attitude Dynamics
Heathenism
Divine Guidance
Prayer
Witnessing
The Prodigal Son

SA DOKTRINA NGA MGA PAGTOON SA BIBLIYA

Doktrina sa Bibliya, ang unud sa pagpanudlo gikuha gikan sa usa ka literal nga interpretasyon sa mga Kasulatan, mao ang sukaranan para sa espirituhanong kamatuuran. Ang pagtoon sa Bibliya nagsangkap og espirituhanong pangpabaskog para sa Kristohanon (Mateo 4:4).


Ang kamahinungdanon sa doktrina sa Bibliya dili mahimong ibaliwala (Mga Salmo 138:2). Ang Dios nagmando sa Kristohanon aron sa kahiladman nahiusab (Mga Taga-Roma 12:2). Kini nga pagkausab nagkinahanglan og usa ka adlaw-adlaw nga pagbag-o sa hunahuna pinaagi sa pagkat-on ug paggamit sa Pulong sa Dios (2 Mga Taga-Corinto 4:16; Mga Taga-Efeso 4:23).

Sa daghang katuigan ang sa doktrina nga mga klase sa Bibliya nga gitudlo pinaagi ni R. B. Thieme, Jr., misangkap og adlaw-adlaw nga espirituhanong pagkaon para sa iyang kongregasyon. Mga publikasyon, DVDs, ug MP3 CDs maoy anaa sa walay bayad o obligasyon. Usa ka *Sa Doktrina nga Mga Pagtoon sa Bibliya nga Katalogo* maoy ihatag diha sa paghangyo.

R. B. THIEME, JR., BIBLE MINISTRIES
P.O. Box 460829
HOUSTON, TEXAS 77056-8829
www.rbthieme.org
713-621-3740

Si ROBERT B. THIEME, JR. (1918-2009) nagpabilin nga usa ka mahinungdanong tingog sa Kristiyanismo sa tibuuk kalibutan. Ang iyang makugihon, mapatin-awong pagpanudlo maoy gibasi diha sa orihinal nga mga pinulongan sa Kasulatan sumala sa makasaysayanong konteksto nga ang Bibliya nahasulat. Ang iyang binag-o nga mga sistema sa bokabularyo, mga ilustrasyon, ug bibliyanhong mga kategoriya sa klaro nga nagpahayag sa dimasayup nga mga kamatuuran sa Pulong sa Dios. Si Thieme nakarekord og kapin sa napulog-usa ka libro ka mga oras sa mga sermon ug nakamantala og kapin sa usa ka gatus ka mga libro og naglukup hapit sa Bibliya.

Si Thieme migraduwar sa University of Arizona (Phi Beta Kappa) ug Dallas Theological Seminary (summa cum laude). Ang iyang seminaryo nga mga pagtoon maoy napakgang tungud sa Ikaduhang Gubat sa Kalibutang militar nga serbisyo atol nga siya misaka ngadto sa ranggo nga tenyente koronel diha sa United States Army Air Corps. Pagkahuman sa iyang nagpadayon-pagtoon nga buhat sa 1950, siya nahimong pastor sa Berachah Church sa Houston, Texas. Ang iyang malukopon nga pagbansay sa Griyego, Hebreyo, teyolohiya, kasaysayan, ug mahitungud sa teksto nga panuki misangkap og pundasyon para sa iyang masuknaong propesyonal nga kinabuhi sa pagtoon ug pagpanudlo sa Pulong sa Dios. Si Thieme miretiro isip pastor sa Berachah Church human sa singkuwentay-tres ka katuigan sa matinud-anong serbisyo.



Hulagway ni Robert Becker

Pagkamatay nga Grasya

Ang kinabuhi nagbitay pinaagi sa usa ka manipis nga tanud nga mahimong mabugto sa bisan unsang takna. Kana ba nga hunahuna nakapahadlok kanimo? Nakahimo ba kanimo og kalisang ug kataranta?

Ang Dios wala gayud midisenyo sa pagkamatay aron nga makalilisang o makahahadlok para sa magtotoo diha ni Ginoong Jesu-Kristo. Isip tugbang, ang Dios midisenyo sa imong pagkamatay nga mga takna aron mahimong labing maayo, ang pinakatam-is nga bahin sa pagkinabuhi. Diha sa pagkamatay nga grasya, Siya sa maloloy-ong nagsangkap sa matag gikinahanglan sa paghimo niini nga usa ka panahon sa kinatas-ang kalipay ug kamalinawon samtang ikaw nagpaabot sa panagtagbo sa Ginoo sa Himaya nawong sa nawong.

Ang imong pagkamatay nga mga takna maoy bililhon kaayo ngadto sa Dios tungud kay sila maoy iyang katapusang kahigayonan sa pagpasidungog sa iyang dimasayup nga Pulong diha sa imong kalag. Ang paghatag sa pagkamatay nga grasya nagpakita sa iyang divine nga pagtugot. Ikaw nakapahimuut Kaniya ug kini naghatag Kaniya og dakong kahimuut sa pagpanalangin kanimo. Uban ang doktrina sa Bibliya, ikaw magdayeg sa tanang kahibulungang mga panalangin sa pagkamatay nga grasya aron nga ang imong pagkamatay nga mga takna maoy nagpahimaya ngadto sa Dios.